

**Ўзбекистон Республикаси Олий ва ўрта
махсус таълим вазирлиги**

Тошкент молия институти

**Баймуратов Турсунбай Махкамбаевич
Раджабов Умурзак Аблакулович**

СОЛИҚ МЕНЕЖМЕНТИ

ўқув қўлланма

**Тошкент
«IQTISOD-MOLIYA»**

2005

Баймуратов Т.М., Раджабов У.А.
Солиқ менежменти. Ўқув қўлланма, Т.:
«IQTISOD-MOLIYA», 2005. -107 б.

Ушбу қўлланмада иқтисодиётни янада эркинлаштириш шароитида солиқ менежментини ривожлантириш стратегияси ва тактикаси, солиқ тизимини оптималлаштириш тамойиллари, шунингдек, турли даражадаги солиқ муносабатларини бошқаришни самарали ташкил этиш масалалари ёритилган.

Ўқув қўлланма иқтисодиёт йўналишидаги олий таълим муассасалари талабалари, «Солиқлар ва солиққа тортиш» мутахассислиги бўйича илмий тадқиқотчилар, аспирантлар ҳамда ўқитувчилар учун мўлжалланган.

В данном учебном пособии рассматриваются стратегия и тактика развития налогового менеджмента, принципы оптимизации налоговой системы, а также, эффективные пути управления этой системой в условиях дальнейшей либерализации экономики.

Учебное пособие предназначено для студентов экономических высших учебных заведений, изучающих курс налоги и налогообложение, а также рассчитан для научных работников, аспирантов и преподавателей.

Text-book described tax strategy and tactic in the transfer to the market system, efficiency of tax system, also managing of this system.

This text-book intend to students of higher education and aspirants and teachers which are study tax and tax payments.

Мазкур ўқув қўлланма Тошкент Молия институти қошидаги Олий ўқув юртлараро илмий-услубий Кенгаш қарори асосида нашрга тавсия этилган.

Такризчилар: иқт.фанлари доктори, проф. Э.Ж.Юсупов
иқт. фанлари номзоди, доц. А.С.Жўраев

ББК

65.9(5у) 271

Ўзбекистон Республикаси Президенти ҳузуридаги Давлат ва жамият қурилиши академияси кутубхонаси, 2005 йил.

© Т.: «IQTISOD-MOLIYA», 2005

КИРИШ

Бозор муносабатлари шароити иқтисодиётнинг барча соҳаларида банд бўлган мутахассислардан чуқур билим, кўникма ва маҳорат сифатларини пухта эгаллашни талаб қилмоқда. Кадрлар тайёрлаш соҳасида давлатимиз сиёсати ҳам ҳар бир шахсни касбий-интеллектуал, маънавий-ахлоқий жиҳатдан етук, рақобатбардош этиб шакллантиришни назарда тутди. Ҳар бир касб ўзига хос характер ва мазмунга эга бўлганлиги учун у шунга мос бўлган касбий малакани талаб қилади.

Ҳар қандай иқтисодий фаолият ривожланишига солиқ муносабатлари бевосита таъсир кўрсатади. Шундай экан уларни тўғри ташкил этиш ва бошқариш муҳим аҳамият касб этади. Айниқса, бугунги кунда мамлакатимиз иқтисодиётини эркинлаштиришда амалга оширилаётган ислохотлар самараси кўп жиҳатдан амалдаги солиқ тизимининг қандай даражада бошқарилишига боғлиқлигини таъкидлаш лозим.

Бугунги кунда мамлакатимизда солиқ муносабатларини ўрганиш ва уларнинг оптималлашувини таъминлашда «Солиқ менежменти» фанининг ўрни беқиёсдир. Солиқ тизими, хусусан, солиқ бошқарувини чуқур ўрганиш, таҳлил этиш ва тегишли хулосалар чиқариш орқали унинг такомиллини таъминлаш долзарб масалалардан бири бўлиб қолмоқда. Ривожланган хорижий мамлакатларда солиқ менежментига алоҳида эътибор берилган бўлиб, ушбу фаолият бўйича иқтисодиёт субъектларига алоҳида хизматлар кўрсатувчи бутун бир инфратузилма шакллантирилган.

«Солиқ менежменти» Давлат таълим стандартларининг ўқув режаларидаги нисбатан янги фан ҳисобланади. Айнан ушбу фан солиқ муносабатларини бошқарув жараёнини, унинг босқичлари ва таркибини ўрганиш асосида солиқ тизимини бошқаришни такомиллаштиришга хизмат қилади.

Бугун ҳар бир мутахассисликда, айниқса, «Солиқлар ва солиққа тортиш» бакалавриат таълим йўналиши ва унинг базасида тайёрланадиган

магистратура мутахассисликларида таълим олаётган талабалар солиқларнинг иқтисодий-ҳуқуқий категория эканлигидан келиб чиқиб, солиқ муносабатларига дахлдор бошқарув илмини билиши, ўз фаолияти билан алоқадор бўлган турли жараён, муносабатларни бошқариш асосларини ўзлаштириши талаб этилади. Улар нафақат ўз бурч ва масъулиятларини, балки давлат ҳамда бошқа иқтисодиёт субъектларининг манфаатларига алоқадор бўлган меъерий-ҳуқуқий мажмуани мукамал ўзлаштирган бўлишлари лозим.

Мазкур сифатларни шакллантиришда бир томондан, ижодий изланиш, таълим-тарбия муҳим бўлса, иккинчи томондан, мазкур соҳадаги мавжуд бошқарув тизимининг мазмун-моҳияти, тамойилларини англаш ҳам асосий омил ҳисобланади. Шу нуқтаи-назардан келиб чиқиб, ушбу ўқув қўлланмада солиқ муносабатларини бошқаришнинг оптимал тизimini қарор топтириш шакл ва услублари баён қилинган.

Солиқ менежменти ниҳоятда кенг доирани ўз ичига олган, ҳамиша такомилдаги фандир. Солиқ муносабатларининг ўзига хос хусусиятларини мукамал ҳисобга олиш, умумийлик ва хусусийлик ўртасидаги боғланишга жиддий эътиборни қаратиш, ҳар бир аниқ ҳолатга аниқ, ижодий ёндашган ҳолда солиқ бошқарувининг ўзига хос қирраларини пухта эгаллаш солиқ менежменти муваффақиятини таъминлайди.

Шу нуқтаи назардан ушбу қўлланмада солиқ менежментининг мазмун-моҳияти, уни ташкил этиш асослари ва амалга ошириш жараёни босқичма-босқич ёритилган. Шунингдек, қўлланмада солиқ муносабатларини бошқариш борасида классик қарашлар ва назариялар ҳам ўз ифодасини топган, солиқ менежментининг баён этилган, унинг субъектлари кўрсатиб берилган.

Ушбу ўқув қўлланманинг биринчи нашрида маълум камчиликлар бўлиши ҳам табиий ҳолдир. Шу сабабли, муаллифлар бу борада таклиф-мулоҳазаларини билдирган соҳа мутахассисларига олдиндан ўз миннатдорчиликларини изҳор этади.

I боб. СОЛИҚ МЕНЕЖМЕНТИ ФАНИНИНГ ПРЕДМЕТИ, ФУНКЦИЯ ВА УСУЛЛАРИ


1.1. СОЛИҚ МЕНЕЖМЕНТИНИНГ ПРЕДМЕТИ ВА ВАЗИФАЛАРИ

Солиқ тизимининг шаклланиши ва уни ривожлантириш зарурияти, шунингдек, солиқ менежментини йўлга қўйиш масаласи - мамлакатимизда эркинлаштириш стратегиясининг муҳим шарти саналади. Шу жиҳатдан олиб қараганда бугунги кунда, солиқлар ва солиқ тизимини назарий жиҳатдан ўрганиш ва таҳлил қилиш, солиқларни амалиётда қўлланилиши, хусусан, солиқ бошқаруви, унинг вазифаларини ўрганиш ҳамда самарали ташкил этиш муҳим аҳамият касб этмокда.

Бошқарувнинг, хусусан, солиқ менежментининг вазифаси объект-субъект муносабатлари тизимини қарор топтириш (1-чизма) жараёнида вужудга келувчи бошқарувчи ва бошқариладиган тизимлар ўртасидаги алоқа доимий равишда мувофиқлаштирилиб туришини таъминлашга қаратилганлиги эътиборга моликдир.

1-чизма.

Бошқариш объекти ва субъекти ўртасидаги муносабатлар



Айнан мана шу мувофиқлаштириб туриш бошқарувнинг асосини ташкил этади ва унда у ёки бу объектни бошқаришга оид аниқ вазифаларни бажариш бўйича чора-тадбирлар мажмуаси ишлаб чиқилади ҳамда амалга оширилади. Бошқарув - жараён сифатида ўзининг функцияларида намоён бўлади. Шу ўринда, “функция” - латинча “functio” (ижро қилмоқ, бажармоқ) сўздан олинган бўлиб, «бирон кимса ёки нарсанинг иш фаолият доираси, вазифаси», -деган маъноларни билдиради.¹

Бошқарув функциялари-	фаолият доираси ва вазифаси сифатида субъектнинг объектга аниқ таъсир этиш йўналишларини ўзида акс эттиради.
----------------------------------	--

Бошқариш - кўп қиррали ва мураккаб тушунча бўлиб, уни муҳим белгиларига кўра, туркумлаб ўрганиш мазкур фаннинг мақсадига мувофиқдир.

Бозор иқтисодиёти шароитида солиқ менежменти асосларини пухта эгаллаб олиш орқали солиқ субъектлари: солиқ йиғувчи ва солиқ тўловчи ўз манфаатларига мос келадиган солиқ муносабатларини ташкил этиш, самарали солиқ бошқарувини амалга ошириш учун нималарни қилиш лозимлигини англаб етиши, тўғри йўл топа билиши мумкин бўлади.

Солиқ менежери қуйидагиларни, яъни:

- солиқ менежментининг мазмуни ва моҳиятини;
- солиқ менежментининг таркибий қисмларини;
- бозор иқтисодиёти шароитида муваффақиятли солиқ бошқарувини амалга ошириш юзасидан масъулиятидаги вазифаларни уддалашни;
- солиқ муносабатларини бошқариш борасида тўпланган кўникма ва тажрибани;
- солиқ тизимининг мазмун-моҳиятини мукамал билиши талаб этилади.

¹ Қаранг. Ўзбек тилининг изоҳли луғати. -М.: Рус тили, 1981. Т. 170 - бет.

Солиқ менежменти фанини ўқитишнинг мақсади, талабаларда унинг муаммоларини билишга бўлган интилишни кучайтириш, солиқ бошқаруви бўйича амалий-ташкилий фаолиятга иштиёқ уйғотишга қаратилгандир. Бугунги талаба - эртанги кунда солиқ бошқаруви тизими ходими, кичик ва ўрта, катта жамоалар раҳбари, корхона ёки фирмада солиқ муносабатларини бошқариш бўйича чора-тадбирлар ишлаб чиқувчи ва уларни амалга оширувчи мутахассис бўлиб етишади.

Солиқ менежменти фани - бозор иқтисодиёти шароитида самарали солиқ бошқарувини амалга оширишга таъсир кўрсатадиган шарт-шароитлар, омилларни ўрганади(2-чизма). Ушбу фаннинг вазифаси технологияларни кенг қўллаган ҳолда бошқарувнинг энг мақбул, самарали илмий-назарий ва амалий асосларини ишлаб чиқишга қаратилгандир.

Солиқ менежменти фанининг предмети, функция ва усуллари



Бир томондан, солиқ менежменти ҳозирги замон иқтисодий ривожланиш йўлидаги барча қийинчиликларни, ижтимоий - психологик муаммоларни ишбилармонлик руҳидаги ёндашув орқали ҳал этиш мумкинлигини ўрганади.

Иккинчидан, у ҳар қандай солиқ муносабатлари шароитида ҳам танлов асосида энг мақбул қарорни қабул қилиш ва уни муваффақиятли амалга ошириш ҳақидаги назарий-амалий билимлар мажмуаси саналади.

Солиқ менежменти фани - солиқларни ҳисоблаш ва тўлаш жараёнида юзага келадиган муносабатларнинг барча жиҳатларини бошқариш, шунингдек, самарали солиқ бошқаруви негизида даромад(фойда)ни янада кўпайтириш ҳақидаги назарий-амалий билимлар мажмуасини ўрганади.

Мазкур фаннинг таркибий қисмлари қуйидагилардир:

- солиқ менежменти объектлари ва субъектлари орасидаги муносабатлар ва уларни бошқариш;

- солиқ менежменти тамойиллари ва усуллари;

- солиқ менежменти фаолиятининг ўзига хос жиҳатлари;

- бошқарув тизимида солиқ менежерининг ўрни ва роли;

- солиқ муносабатларини бошқариш;

- солиқ менежментида қарорни қабул қилиш моделлари ва усуллари;

- солиқ менежменти қарорларининг бажарилишини назорат қилиш;

- самарали солиқ бошқарувини ташкил этиш асослари;

- ўзини-ўзи бошқариш механизмини қарор топтириш ва ҳоказолар.

Солиқлар муносабатларини бошқариш давлат бошқарувининг барча даражаларига дахлдор бўлгани ҳолда бир қатор ўзига хосликка ҳам эгадир.

Солиқ менежменти, биринчидан, бу солиқлар тизими, давр ва кенгликда барча солиқ муносабатларини қамраб олган узлуксизлик характерига эга бўлган жараён ҳисобланса, иккинчидан, у маълум иқтисодий, молиявий, ижтимоий, натижаларга эришиш учун солиқлар ва солиққа тортишга мақсадли таъсир этиш омили ҳамдир. Учинчидан, бу жараён талаб этиладиган натижага эришиш учун «режалаштириш - ташкиллаштириш - мувофиқлаштириш - мотивлаш - назоратни таъминлаш» ишига хизмат қилувчи талаблар тизимини ўзида акс эттирган мақсадлар ҳамда вазифалар мажмуаси, шунингдек, уларнинг бажарилишини таъминлаш жараёнидир.

Солиқ тизими иқтисодий-сиёсий ва ижтимоий жараёнлар таъсирида бўлган доимий такомилдаги динамик тизим ҳисобланади. Мазкур тизимнинг илмий-амалий муаммоларини ҳал этиш, айти вақтда, солиқ бошқарувини такомиллаштиришни талаб этади. Солиқ муносабатлари

бошқарув объекти сифатида мавжуд ижтимоий реалликни ўзида акс эттирган иқтисодий категориядир.


Солиқлар ўзида мужассам бўлган ички иқтисодий ресурс орқали давлат даромадларини шакллантириш омили бўлиб, ижтимоий-иқтисодий жараёнларни мувофиқлаштиришга хизмат қилади. Улар абстракт мулоқот ва англашлар орқали шакллантириладиган ҳамда қайд этиладиган ҳодисадир. Солиқлар тизими эса, ўзида назарий жиҳатдан сингдирилган «ички имкониятларни» иқтисодий фаолият ҳисобидан амалга оширишнинг амалий шакл ва муносабатлар мажмуаси ҳисобланади.

1.2. СОЛИҚ МЕНЕЖМЕНТ ФАНИНИНГ ФУНКЦИЯЛАРИ

Солиқ менежменти негизини объект-субъект муносабатлари тизими ташкил этади, улар эса, узлуксиз равишда ўзаро таъсирга эга бўлган мухитни қарор топтиради (3-чизма), унинг иерархияли кесимида вужудга келувчи бошқарувчи ва бошқариладиган тизимлар ўртасидаги алоқани доимий равишда мувофиқлаштириб туриш талаб этилади.

3-чизма.

Солиқ менежменти объекти ва субъекти ўртасидаги муносабатлар



Айнан мана шу мувофиқлаштириб туриш солиқ менежменти функцияларининг асосини ташкил этади ва унда у ёки бу солиқ бошқарувига оид аниқ вазифаларни бажариш бўйича чора-тадбирлар мажмуаси ишлаб чиқилади ҳамда амалга оширилади. Солиқ менежменти - жараён сифатида ўзининг функцияларида намоён бўлади.

Солиқ менежменти функциялари - фаолият доираси ва вазифаси сифатида солиқ бошқаруви субъектининг солиқ бошқаруви объектига аниқ таъсир этиш йўналишларини ўзида акс эттириш ҳисобланади.

Солиқ менежменти функциялари кўп қиррали ва мураккаб бўлиб, уларни муҳим белгиларига кўра туркумлаб ўрганиш (4-чизма) мазкур фаннинг мақсадига мувофиқдир.

Солиқ менежменти функцияларининг мазмун-моҳияти, туркумланиши ва тизимини ўрганиш орқали солиқ муносабатларида самарадорлик ортади.

Солиқ менежменти функциялари туркумларида ва босқичларида солиқ муносабатларининг ўзига хос томонлари мавжуд бўлади. Шундан келиб чиқиб, солиқ менежменти фанининг функцияларини, уларнинг солиқ муносабатларидаги ўрнини ўрганиш орқали солиқ бошқарувини муваффақиятли амалга ошириш имконияти янада кенгайди.

4-чизма.

Солиқ менежменти функцияларининг туркумланиши

№	Мазмуни ва моҳиятига кўра	Солиқ менежменти функцияларининг туркумланиши
I	Қўлланилиш кўламига қараб	- умумий (асосий) функциялар - аниқ функциялар
II	Фаолият турига қараб	- иқтисодий функциялар - ижтимоий функциялар - ташкилий функциялар
III	Объектни қамраб олишига қараб	- ҳудудий функциялар - тармоқ функциялари
IV	Меҳнат тақсимоли белгисига қараб	- менежернинг функциялари - бўйсунувчи(ижрочи)нинг функциялари

Солиқ менежменти фанининг вазифаси янги технологияларни кенг қўллаган ҳолда солиқ муносабатларининг энг мақбул-самарали илмий-назарий асосларини ишлаб чиқишдир.

Солиқ субъектининг ҳатти-ҳаракатлари замирида доимий унинг учун дастурий мақсад, майл мужассам бўлади, унга кўра, субъектнинг у ёки бу муносабат ҳолатидан таъсирланиши юз беради. Бунда унинг характериға хос белгиларни аниқ билиб олиш мумкин. Мазкур жараён солиқ менежменти фанининг илмий таҳлил предметиға айланиши зарур. Фаннинг бундай тизилмалашуви солиқ муносабатларида теранлик, объективлик ва ишонч негизида жиддий ташкилий - бошқарув ишларини олиб боришнинг асоси бўлади.

Шу ўринда, «муносабат» категориясини ўрганиш фойдалидир. Муносабат - фаолият ривожланишининг кўп қиррали жараёни бўлиб, субъектлар ўртасидаги биргаликдаги фаолият эҳтиёжларидан келиб чиқадиган ўзаро боғланишларнинг мураккаб мажмуаси ҳисобланади.

Солиқ бошқарувида бундай биргаликдаги жараёни самарали ташкил этиш, ўзаро ҳамжиҳатлик асосида муносабатларни қуриш ва уларни мувофиқлаштириш қонуниятларини билиш орқали малака-кўникмани ривожлантириб бориш солиқ менежментини муваффақиятли ташкил этиш учун шарт-шароитлар яратиб беради.

Хулоса қилиб шуни таъкидлаш мумкинки, солиқ менежменти фанининг тамойиллари ҳар қандай солиқ бошқаруви жараёнининг ўзаги сифатида, унинг мураккаб ҳамда ўзаро боғлиқ функциялари фаолиятини йўлга қўйишнинг назарий асосларини ишлаб чиқишға қаратилган долзарб вазифаларни бажаради (5-чизма).

**«Солиқ менежменти» фанининг тамойиллари ва уларнинг
туркумланиши**

«Солиқ менежменти» фанининг тамойиллари	
масъулият ва жавобгарлик;	яккабошчилик;
ҳаракатнинг яхлитлиги;	субъектлар манфаатлари мослиги;
марказлашув;	корпоратив руҳни шакллантириш;
адолатлилик;	ташаббусни рағбатлантирув;
иерархия даражаларида ўзаро яхлит алоқалар занжири мавжудлиги.	
«Солиқ менежменти» фани тамойилларининг туркумланиши	
мақсадларни шакллантириш;	ташкилий фаолиятни қуриш;
стратегик режалаштириш;	қарорлар қабул қилиш;
мотивацияни амалга ошириш;	назоратни йўлга қўйиш;
солиқ бошқарувини мувофиқлаштириш.	

Солиқ муносабатларининг аниқ ижтимоий-иқтисодий шароитдаги ўзаро алоқадорлик ва таъсир даражаси солиқ менежментининг самарали амалга оширилишида муҳим ўринга эгалигини таъкидлаш лозим.

1.3. СОЛИҚЛАРНИ БОШҚАРИШ ВА СОЛИҚ МЕНЕЖМЕНТИ

Солиқ менежменти ўзаро боғлиқ бўлган қуйидаги икки йўналишда амалга оширилиши мақсадга мувофиқдир: биринчиси, солиқ тизимининг ўзини бошқариш бўлса, иккинчиси, жамиятдаги муносабатларнинг базиси бўлган, метасоциал тизим сифатида, солиққа тортишни бошқариш ҳисобланади. Бу ўринда, солиқ менежментининг ўзига хос томонлари яққолроқ кўзга ташланади: биринчидан, у солиқлар ва солиққа тортиш назарияси ва амалиёти жабҳаси сифатида мазкур соҳа муаммоларининг ечимини ишлаб чиқиш билан узвий боғлиқ бўлса, иккинчидан, солиқ бошқаруви инфратузилмаси самарали шакллантирилиши ва ривожлантирилишини таъминламасдан туриб, шунингдек, унинг бошқа жиҳатларининг ўзаро таъсирсиз солиқ тизимининг муаммоларини ҳал этиш мумкин эмас. Учинчидан, бу жараён «бошқарув-рахбарлик-мувофиқлаштириш» омили сифатида намоён бўлади.

Солиқларнинг асл мазмун - моҳияти, иқтисодий субъектлар фаолиятларини мувофиқлаштириш орқали улар функцияларини жамият ривожланишидаги ўрнида ўз аксини топади. Давлатнинг молия-бюджет тизими таркибида солиқлар уларнинг зиммасига юклатилган вазифаларни амалга ошириш жараёни ҳамда унга таъсир этувчи омилларни ўзида тўлиқ акс эттирган молиявий категория бўлиб, улар молия-солиқ сиёсати орқали бошқарилади. Солиқ менежменти солиқ муносабатларини бошқариш жараёни бўлиб, солиқларни ҳисоблаш ва тўлаш билан боғлиқ фаолият мажмуаси сифатида намоён бўлади.

Солиқларни мувофиқлаштириш мураккаб, кўп омилли ҳамда кенг қўламли таъсир этиш жараёни бўлиб, у ўзида ушбу муносабат субъектларига таъсир этиш йўналишлари ва механизмлари орқали жамият олдига қўйилган иқтисодий-ижтимоий масалалар ҳал этилишини таъминлайди. Айнан солиқларнинг бу роли, давлатнинг эҳтиёжига кўра,

объектив равишда солиқ тизимининг устувор стратегик аҳамиятга молик бўлган жабҳаси саналади.

Жамиятнинг ижтимоий-иқтисодий йўналишлари учун пул маблағлари шаклидаги қийматни қайта тақсимлаш жараёнини ўзида акс эттирган мажбурий ва қайтимсиз тўловлар сифатида иқтисодий муносабатларни мувофиқлаштириш - солиқ менежментининг асосини ташкил қилади. Шунга кўра, солиқ менежменти - таркибан ўзига хос бўлган мураккаб-махсус, шунингдек, мақсадга йўналтирилган илмий-амалий жараён ҳисобланади.

1.4. СОЛИҚ МЕХАНИЗМИ- СОЛИҚ МУНОСАБАТЛАРИНИ БОШҚАРИШ УСУЛЛАРИ ЙИҒИНДИСИ СИФАТИДА

Солиқ менежменти солиқ механизми орқали амалга оширилади. Солиқ механизми - солиқ муносабатларини бошқаришни ташкил этиш усуллари йиғиндиси деб аташ мумкин. Лекин бу таъриф солиқ механизмининг ташкилий-ҳуқуқий мазмун-моҳиятини ўзида тўлиқ акс эттира олмайди.

Солиқ механизми - давлат, жамият ва алоҳида субъектларнинг ижтимоий-иқтисодий эҳтиёжларини қондириш юзасидан марказлаштирилган ва марказлаштирилмаган пул маблағлари фондларини ташкил этиш билан боғлиқ объектив муносабатларни бошқариш усуллари йиғиндиси ҳамдир.

Солиқ механизми - иқтисодий категория сифатида, солиқлардан фарқли ўлароқ, кишилар онгли фаолиятининг натижаси сифатида, жамият устқурмасига тегишли бўлиб, уни амалга ошириш субъектив моҳият касб этади. Солиқ механизми - кенг тушунча бўлиб, уни солиқ муносабатларининг таркибий элементлари мажмуаси сифатида ўрганиш ўринлидир.

Солиқ объекти, субъекти, солиқ базаси, солиқ ставкаси, солиқни тўлаш муддатлари, солиқ бўйича имтиёзлар ва жарималар, солиқларни ҳисоблаш ва бюджетга тўлаш тартиби, солиқ тўловчиларнинг масъулиятлари, солиқ назоратини олиб бориш тартиби кабилар солиқ механизмининг муҳим таркибий элементлари ҳисобланади. Шунга кўра, солиқ механизми - давлат томонидан солиқ муносабатларини ташкил этиш учун қўлланиладиган қонунлар, солиққа тортишнинг ташкилий - ҳуқуқий бошқарув усуллари йиғиндисини ўзида акс эттиради.

Солиқ муносабатларининг таркибий қисмлари, шакл, тур ва усуллари йиғиндиси солиқ механизми асосини ташкил этади. Солиқ механизмининг таркибий қисмлари миқдор жиҳатдан ўлчов бирликлари ўрнатиш йўли

билан, бошқача қилиб айтганда, у солиқ объекти ва субъекти, солиқ ставкаси ва солиқларни ундириб олиш муддати, солиқлар бўйича имтиёз ва жарималарни қўллаш орқали ҳаракатга келтирилади.

Солиқ механизми - давлат томонидан солиқ муносабатларини ташкил қилиш усуллари йиғиндиси бўлиб, у мамлакатнинг ижтимоий-иқтисодий ривожланиши учун қулай шарт-шароит яратиш юзасидан давлат томонидан қўлланилади.

Давлат солиқ муносабатларини ташкил этиш усулларини ўрнатади ва уларга мос қонунлар мажмуасини яратади ҳамда кучга киритади. Хусусан, давлат солиқ қўмитаси амалдаги солиқ қонунчилиги асосида ҳамда ўзининг ваколат доирасида ҳар бир солиқ турлари бўйича йўриқномалар ишлаб чиқади.

Солиқ механизмининг ҳуқуқий асослари Ўзбекистон Республикасининг Солиқ Кодекси, «Давлат солиқ хизмати тўғрисида»ги қонун, Президент Фармонлари, Вазирлар Маҳкамасининг қарорлари ва бошқа солиққа оид меъёрий ҳужжатлар мажмуасидан иборат бўлиб, уларда умуммиллий ва давлат манфаатлари ўз аксини топгандир.

Солиқ механизмининг асосий таркибий қисмлари йиллар давомида бирмунча ўзгаришсиз бўлса (масалан, солиқ турлари), унинг элементлари эса, (масалан, солиқ ставкаси,

имтиёзлари) ҳар йили ўзгартирилади.

Солиқ механизми давлат бюджети даромадларини шакллантиришда фойдаланиладиган асосий восита сифатида бюджет тақчиллигини бартараф қилишга қаратилганлиги эътиборга моликдир. Айнан, давлат бозор муносабатларини шакллантириш ва ривожлантиришга ижобий таъсир кўрсатиш, тадбиркорликни ривожланишига шарт-шароит яратиб бериш ва айни вақтда, аҳолининг кам даромадли қатламини ижтимоий ҳимоясини таъминлашнинг муҳим воситаси сифатида солиқ механизмидан фойдаланади.

Солиқ механизми кўпроқ фискал аҳамият касб этишини эътиборга олган ҳолда унинг асосий вазифаси давлат бюджети даромадини шакллантириш ҳисобланади. Бу борада қуйидагилар асос қилиб олинishi лозим:

- давлатнинг ижтимоий-иқтисодий тадбирларни амалга ошириш харажатларини пул билан таъминлаш;

- давлат бюджети тақчиллигини имкон қадар камайтириш.

Маълумки, бюджет тақчиллигини камайтиришга нафақат бюджет харажатларини қисқартириш, балки функционал солиқ механизмдан фойдаланган ҳолда бюджет даромадларини кўпайтириш ҳисобига ҳам эришиш мумкин.

Солиқ механизми бозор иқтисодиёти шароитида, иқтисодий аҳамиятини ҳисобга олган ҳолда, солиқ механизми давлат томонидан иқтисодиётни бошқаришнинг асосий воситаси сифатида қуйидаги вазифаларни бажариши лозим:

- бозор муносабатларининг шаклланиши ва ривожланишига ижобий таъсир кўрсатиш. Бу вазифа мамлакатимизда кўп укладли иқтисодиётни ривожлантириш, хусусий мулкнинг давлат томонидан ҳимоя қилинишини таъминлашга асосланади.

- мулкчилик ва хўжалик фаолиятининг ташкилий-ҳуқуқий шаклидан қатъий назар барча солиқ тўловчилар учун бир хил имконият яратиб бериш. Бу борада солиқ механизми универсаллашиши талаб этилади. Бундан ташқари мавжуд солиқ механизми солиқ тўловчи субъектларга, хўжалик фаолиятининг соҳаси ва иқтисодиёт тармоғидан қатъий назар, меъёрий ривожланиш имкониятини яратиб бериши лозим.

- юридик ва жисмоний шахсларнинг тадбиркорлик фаолиятини тартибга солиш. Солиқ механизми солиқлар бўйича имтиёзлар бериш ва жарималар ундириш орқали уларнинг хўжалик фаолиятига маълум даражада иқтисодий жиҳатдан таъсир этишни назарда тутати.

- ташқи иқтисодий фаолиятни ҳамда экспортни рағбатлантириш. Солиқ механизмнинг бу вазифаси ташқи иқтисодий фаолиятни янада ривожлантириш, мамлакат иқтисодиётига хорижий инвестицияларни кенгроқ жалб қилиш ва халқаро бозорга чиқиш мақсадида маҳсулот экспортини етарли даражада рағбатлантиришга доир имтиёзларни ўзида намоён этиши лозим.

- солиқ тўловчиларга маълум даврда баъзи имтиёзлар бериш ва зарур пайтда жарималар солиш орқали улар фаолиятига таъсир кўрсатиш. Солиқ механизмнинг ижобий ёки салбий таъсир кўрсатиши орқали мамлакатда умумиқтисодий ўсиш таъминланади.

Солиқ механизми юқоридагилардан ташқари табиий ресурслардан самарали фойдаланиш ва атроф-муҳитни муҳофаза этишни рағбатлантириш, шунингдек аҳоли пул даромадларини ошириш ёки қисқартириш орқали уларнинг тўлов қобилиятига таъсир этиш каби муҳим вазифаларни ҳам бажариши лозим.

Солиқ механизмнинг иқтисодий аҳамиятини ўзида мужассам этган қуйидаги:

- аҳолининг ҳар хил ижтимоий гуруҳлари даромадларини тартибга солиш. Солиқ ставкаси миқдори шундай оптимал даражада бўлиши, яъни барча ижтимоий гуруҳлар учун унинг миқдори яна ҳам кўпроқ даромад олиш ташаббуси ва манфаатига зид бўлмаслиги керак;

- аҳолининг кам даромадли қисмини кескин қашшоқлашишига тўсиқ бўлиб хизмат қилиш;

- демографик сиёсат талабларини ҳисобга олган ҳолда ҳар хил имтиёзлар бериш каби вазифалари ҳам тўлиқ бажарилиши муҳимдир.

Солиқлар давлат бюджети даромадларининг асосий манбаси ҳамда иқтисодиётни бошқаришнинг асосий воситаларидан ҳисобланади. Шунинг учун ҳам солиқ механизми кенг қамровли, айти пайтда, иқтисодиёт субъектлари фаолиятига ижобий таъсир этувчи бўлиши лозим.

Иқтисодиётни бошқариш икки хил шаклда амалга оширилади:

- маъмурий бошқариш;
- иқтисодий бошқариш.

Солиқ менежментининг бозор муносабатлари шароитига мос келувчи асосий усули, иқтисодиёт субъектлари фаолиятини уларнинг молиявий натижаларига боғлиқ қилиб қўйишдан иборат.

Солиқ ставкаларига ўзгартиришлар киритиш, солиқлар бўйича имтиёзлар ҳамда жарималар механизmidан фойдаланиш, баъзи бир солиқларни жорий этиш, айримларини бекор қилиш ва бошқа омиллар ёрдамида давлат алоҳида олинган тармоқ ёки иқтисодиёт соҳаси ривожланиши учун қулай шарт-шароит яратиб беради.

1.5. ИҚТИСОДИЁТНИ СОЛИҚЛАР ОРҚАЛИ БОШҚАРИШНИНГ АҲАМИЯТИ

Иқтисодиётни солиқлар орқали бошқаришнинг асосий мақсади хўжалик юритиш учун қулай шароит яратиб бериш ва субъектларнинг ишлаб чиқариш самарадорлигини оширишдан иборат бўлиб, ушбу мақсадларга эришиш учун қўйидаги усуллардан фойдаланилади:

- солиқ тушумлари ҳажмини ўзгартириш;
- солиққа тортишнинг шакл ва усулларини ўзгартириш;
- солиқ ставкаларини ўзгартириш, уларни табақалаштириш;
- солиқ имтиёзларидан фойдаланиш;
- солиққа тортилиши лозим бўлган объектларни ўзгартириш;
- жарималар қўллаш ва бошқалар.

Давлат иқтисодиётни солиқлар орқали тартибга солишга макро ва микроиқтисодий даражада таъсир этади. Макроиқтисодий даражада, солиқ ставкасига ўзгартириш киритиш орқали инфляцияни чегаралаш, табиий ресурслардан самарали фойдаланиш, ишлаб чиқариш кучларининг ҳудудлараро мукамал жойлашишини тартибга солиш, меҳнатга лаёқатли аҳолини иш билан банд этиш, иқтисодий ўсишни таъминлаш каби мақсадларга эришилади. Микроиқтисодий даражада эса, субъектларнинг молиявий ҳолатига таъсир этиш, уларнинг инвестиция фаолиятини рағбатлантириш мумкин бўлади.

Иқтисодиётни солиқлар орқали бошқаришда солиқ механизми элементларидан кенг қўламда фойдаланилади. Мазкур элементлардан, бошқарувнинг самарали чоралари сифатида, солиқ ставкалари, солиқ имтиёзларини ўзгартириш кабиларни алоҳида қайд этиб ўтиш лозим.

1.6. СОЛИҚ МЕНЕЖМЕНТИ ФАНИНИНГ ТУРЛИЧА ЁНДАШУВ ВА УСУЛЛАРИ

Солиқ менежменти фанининг тадқиқот усуллари солиқ муносабатларини бошқаришнинг барча жиҳатларини илмий-амалий асосда ўрганиш, таҳлил қилишга қаратилгандир. Мазкур фан воқеликни билишга қаратилган тадқиқот жараёнида умумиктисодий усулларни қўллайди (6-чизма). Мазкур тадқиқотнинг бошланғич босқичида солиқ менежменти объектини ҳар томонлама ақс эттирувчи ва уни имкони борича тўлиқроқ таҳлил этишга ёрдам берувчи маълумотлар базаси шакллантирилади ҳамда у баҳоланади. Бу туркум муносабатлар солиқ менежментининг турли даражадаги воқеликларга дахлдор бўлиши ҳам мумкин.

Солиқ менежменти фанининг юқорида санаб ўтилган илмий-амалий жиҳатдан асосланган ёндашув ва усулларидан ўзаро боғлиқ ҳолда фойдаланиш мақсадга мувофиқдир.

1.7. СОЛИҚ МЕНЕЖМЕНТИ ФАНИНИНГ БОШҚА ФАНЛАР БИЛАН ЎЗARO АЛОҚАДОРЛИГИ

Солиқ менежменти кўп қиррали ва мураккаб, ўзарo бир-бири билан узвий боғлиқ бўлган жараёнлар тизимидан ташкил топгандир. Шундан келиб чиқиб, солиқ менежментини яхлит тизим сифатида такомиллаштириш, бир томондан, самарали солиқ менежментини амалга ошириш бўлса, иккинчи томондан, халқаро андозалар даражасида касбий маҳоратга эга бўлган солиқ менежерларини ҳар томонлама етук бўлишини таъминлашдан иборатдир.

Ушбу ҳолат «Солиқ менежменти» фанининг бошқа фанлар билан алоқадорлигини зарурат сифатида намоён қилади. «Солиқ менежменти» фанининг мазмуни, мақсади ва вазифалари ҳозирги шароитда иқтисодий, илмий ва бошқа билимлар соҳасида эришилган мавжуд имкониятлардан тўлиқ фойдаланган ҳолда солиқ муносабатларини бошқаришни янада самарали ташкил этиш, унинг ўзига хос қонуният, тамойил ва механизмларини тўларoқ ўрганишга қаратилгандир.

Солиқ менежменти фанининг таҳлил усуллари


№	Таҳлил усуллари	Уларнинг мазмуни
1	2	3
1	Тизилмали ёндашув	* менежмент объекти яхлит тизим тарзида ўрганилади. Бу ёндашув турлича бўлиши мумкин: * тизилмали-мажмуали * тизилмали-функционал * тизилмали-таркибий * тизилмали-коммуникацион
2	Мажмуали (комплексли) ёндашув	* менежмент объекти бошқа объектлар билан ўзаро боғлиқлик ва алоқадорликда ўрганилади.
3	Таркибий ёндашув	* менежмент объекти таркибий қисмларга бўлиб ўрганилади.
4	Вазият (ситуация)ли ёндашув	* менежмент объектининг аниқ шароитдаги ички ва ташқи вазиятига қараб, бошқариш усуллари қўлланилади.
5	Интеграцион ёндашув	* менежмент объекти усуллар (вазиятли, мажмуали, таркибий ёндашувлар)ни яхлит қўллаш ёрдамида бошқарилади
6	Моделлаштириш	* менежмент объектини бошқариш бўйича турли жадвал, график, чизма, диаграмма ва бошқа материаллар тайёрланади.
7	Иқтисодий математик ёндашув	* энг маъқул қарорни қабул қилиш мақсадида математик усул ва ҳисоблаш технологияларидан кенг фойдаланилади.
8	Кузатиш усули	* менежмент объекти тўғрисидаги маълумотларни режали, илмий асосда тўплаш орқали база яратилади. Улар сифат ва сон жиҳатдан таҳлил этилади.
9	Тажриба (эксперимент) усули	* солиқ менежменти жараёнида объектга нисбатан намунавий, тажрибадан ўтган усуллар қўлланилади.
10	Социологик кузатув усули	* солиқ муносабатларини самарали бошқариш мақсадида турли анкетали сўров, тест ва бошқа баҳолашлар ўтказилади.

Солиқ менежменти фани бир қатор фанлар билан узвий боғлиқдир (7-чизма). Солиқ менежменти фани барча фанлар билан ўзаро

алоқадорликда ўз мавзуи даражасида тадқиқотни амалга оширувчи, шунингдек, бошқа фанларнинг хулосаларига таяниб, бозор муносабатлари шароитида солиқ муносабатларини бошқаришни юқори савияда ва янада самарали олиб боришга оид назарий - амалий билимларни берувчи фандир.

7-чизма.

Солиқ менежменти фанининг бошқа фанлар билан алоқадорлиги



Масалан: солиқ менежменти ва ҳуқуқшунослик фанлари

ўзаро чуқур алоқада бўлиб, бу алоқадорликни кўрсатувчи қатор далиллар келтирилиши мақсадга мувофиқдир. Жумладан, солиқ менежментида, объект-субъект муносабатларини, солиқ муносабатларини бошқаришни ўрганиш жараёнида, албатта, қатор қонун, қарорлар мажмуаси асосида, яъни ҳуқуқий меъёрларга амал қилган ҳолда, унинг у ёки бу объектига оид аниқ вазифаларни бажариши юзасидан чоратадбирлар ишлаб чиқади. Умуман, солиқ менежменти ёки уни ўрганаётган

хар бир мутахассис ҳуқуқий билимларни пухта эгаллаши, уларга ҳар томонлама амал қилиши орқалигина мамлакат иқтисодий-ижтимоий тараққиёти ривожига ўзининг муносиб ҳиссасини қўша олади. Бугунги кунда солиқ менежери нафақат ўз соҳасини пухта билиши, балки яхши ташкилотчи, айти вақтда, ҳуқуқий билимларнинг ҳам соҳиби бўлиши зарур.

Мазкур фанлар ўртасидаги ўзаро алоқадорлик иқтисодий демократик тамойилларга асосланган соғлом рақобатни ривожлантириш, энг муҳими, ташкилий фаолиятнинг ҳуқуқий жиҳатларига доир бир қатор масъулият-мажбуриятларини белгилайди. Солиқ менежменти жараёнида уларга тўлиқ амал қилиш солиқ муносабатлари бошқаруви самарали бўлишини таъминлайди ва унинг муваффақиятини ҳам белгилаб беради.

Мавзу бўйича хулосалар:

- «Солиқ менежменти» фанининг предмети ва вазифалари кўрсатилди;
- солиқ менежменти солиқ муносабатларини амалга ошириш жараёни бўлиб, функционал корпоратив бошқарувнинг муҳим аҳамиятга эга ажралмас қисми эканлиги аниқланди;
- солиқ менежментининг иқтисодий мазмун-моҳияти ва ўзига хос жиҳатлари кўрсатиб берилди;
- солиқ менежменти объектлари аниқланди;
- бошқарув тизимида солиқ менежментининг роли талқин этилди.

Мавзунинг таянч иборалари:

солиқлар, солиқ тизими, солиқлар ва солиққа тортиш, солиқларнинг ички имкониятлари, метасоциал тизим, солиқ менежменти инфратузилмаси, солиқ тўловлари, солиқ механизми, солиқ имтиёзлари, солиқ ставкалари, солиқ менежменти объектлари

Ўз-ўзини назорат қилиш учун саволлар:

1. Солиқ менежменти фани нималарни ўрганади?
2. Солиқ менежменти фанининг предмети нима?
3. Солиқ менежментининг моҳияти ва мазмуни ҳақида нималарни биласиз?
4. Бозор иқтисодиёти шароитида самарали солиқ менежментини амалга ошириш учун нималарга эътибор бериш керак?
5. Солиқ менежменти фани функцияларининг мазмуни ва моҳияти ҳақида нималарни биласиз?
6. Солиқ менежменти функцияларини туркумлаш ва уларни туркумлаб ўрганишнинг аҳамияти нимада деб биласиз?
7. Солиқ менежменти тушунчаси ва унинг иқтисодий моҳияти.
8. Солиқ менежменти ташкил этишнинг ўзига хос хусусиятлари.
9. Солиқ менежментининг асоси.
10. Солиқ менежментини амалга оширишда солиқ механизми.
11. Солиқ менежменти фанининг усуллари ва ёндашувлари ҳақида нималарни биласиз?
12. Солиқ менежменти фанининг бошқа фанлар билан алоқадорлигини кўрсатувчи мисоллар келтирсангиз.
13. Ўзбекистонда солиқ менежменти фанини ўрганишнинг долзарблиги нимада деб ўйлайсиз?
14. Замонавий солиқ менежментини ўрганишнинг аҳамияти нимада?

Фойдаланилган адабиётлар:

1, 3, 4, 8, 13, 14, 16, 27, 28, 30, 34, 35, 41, 44, 50

II боб. СОЛИҚ МУНОСАБАТЛАРИНИ БОШҚАРИШ

(ривожланиш босқичлари ва назариялари)

2.1. ҚАДИМГИ ДУНЁ ВА ЎРТА АСРЛАРДА СОЛИҚ МУНОСАБАТЛАРИ

Жаҳон амалиётидан маълумки, ижтимоий ривожланиш қонуниятларини (иқтисодий, сиёсий ва бошқа) ўрганадиган илмий фанлар соҳаси ва турли даражадаги хўжалик муносабатларининг ҳеч бири солиқ тизимидаги муносабатлар даражасидагидек аҳамиятли, зиддиятли ва кўп функционал эмасдир.

Солиқлар, дастлабки ёзма манбалар пайдо бўлган даврдан то ҳозирги кунга қадар, солиқ йиғувчилар ва уларни тўлашга мажбур шахслар ўртасида кескин мунозаралар соҳаси бўлиб қолмоқда. Солиқлар ва солиқ муносабатлари пайдо бўлибдики, мазкур тизим, унда рўй бераётган ўзгаришлар субъектларнинг диққат марказида бўлиб келмоқда.

Солиқ муносабатларини ҳар томонлама ўрганиш ва тегишли хулосалар чиқариш оптимал солиққа тортиш тизимини ташкил этишнинг асоси ҳисобланади. Уларни бошқаришда солиқ муносабатларининг энг устувор, адолатлилик тамойилига амал қилиниши натижасида давлат хазинаси даромадлари кўпайиши, солиқ тўловчиларни давлатга эътирозлари камайишига эришилган.

Солиқлар давлат бюджетининг асосий даромад манбаи ҳисобланади. Мамлакатда йиғилган солиқлар ҳисобига давлат ўзининг жамият олдидаги вазифаларини бажариш имкониятига эга бўлади. Шундай экан, солиқлар ва солиқ муносабатларини бошқариш ҳар қайси даврда ҳам муҳим аҳамиятга эга бўлган жабҳа саналиб келинган.

Ҳар қайси даврда ҳам солиқ муносабатлари ва сиёсатининг ўзига хос хусусиятлари намоён бўлган. Хусусан, қадимги дунё ва ўрта асрларда солиқ муносабатлари тартибга солинмаганлиги, мазкур жараён тасодифий

характерга эга бўлганлиги билан тавсифланади. Қша даврлардаги солиққа тортиш тизимининг қуйидаги жиҳатларини алоҳида таъкидлаш мумкин: солиқлар кучлироқ, йирик қабилаларга тўланган, улар солиқларни ундиришда сув йўлини тўсиб қўйиш ёки бошқа зўравонлик воситаларидан кенг фойдаланишган.

Жамиятда ижтимоий тузум ривожланиши ва такомилли жараёнида солиқ сиёсати ҳам ўзгарган, солиқ муносабатлари замонавий мазмун-моҳият касб эта бошлаган. Дастлаб, фуқаролар солиқларни давлатни уларга кўрсатаётган хизмати учун мажбурий тўлов сифатида қарашган бўлса, кейинги даврларда солиқларга жамият осойишталиги, тинчлиги ва ундаги адолатлилик учун тўлов сифатида қаралган. Маълум бир даврларда солиқлар кўрилиши эҳтимол бўлган зарар учун суғурта тўлови сифатида ҳам талқин этилган.

Марказий Осиё худудида ҳам турли даврларда солиқларнинг мазмун-моҳияти, унинг давлат хазинасида тутган ўрни ва мамлакат ривожланишига таъсири турлича бўлган (1-илова). Масалан, улардан Амир Темур давридаги солиқ сиёсати бирмунча такомиллашганлиги билан ўзига хосдир.

Амир Темур ва темурийлар даврида солиқ бошқарувининг ўзига хос хусусиятлари. Амир Темур инсоният тарихида йирик давлат арбоби ва энгилмас лашкарбоши сифатида маълум.

Амир Темурнинг иқтисодий қарашлари ҳам давлатнинг молия-солиқ сиёсати стратегиясини ишлаб чиқиш ҳамда уни амалга оширишда муҳим аҳамият касб этганлигини таъкидлаб ўтиш лозим. Хусусан, давлатни адолатли идора этишда хазинани маблағ билан таъминлаш юзасидан олиб борган молия-солиқ сиёсатининг эътиборга молик жиҳатлари унинг молия ва солиқ масалалари билан жиддий шуғулланганлигидан далолат берувчи қатор далилларни келтириб ўтиш мумкин. Хусусан, унинг бу борадаги қарашлари фарзандларига васият этиб қолдирган «Темур тузуклари»да қуйидагича ифодаланган: «Амр этдимки, раиятдан мол-хирож йиғишда

уларни оғир аҳволга солиб қўйишдан ёки мамлакатни кашшоқликка тушириб қўйишдан сақланиш керак. Негаки, раиятни хонавайрон қилиш (давлат) хазинасининг камбағаллашишига олиб келади. Хазинанинг камайиб қолиши эса, сипоҳнинг тарқалиб кетишига сабаб бўлади. Сипоҳнинг тарқоқлиги, ўз навбатида, салтанатнинг кучсизланишига олиб келади».¹

Унинг даврида мамлакат иқтисодиётида деҳқончилик ишлари муҳим аҳамиятга эга бўлган. Ер эгалари бўлган деҳқонлар ва ерга ишлов берувчи ижарачилардан хирож ва ушр солиқлари, шунингдек, боғдорчилик ва чорвачилик ишлари билан боғлиқ бўлган мол сардарахт, мол ўтлоқ, мол сувоқ, миробона солиқлари ҳам ундирилган. Ер солиғини ҳисоблашнинг ўзига хос механизми амал қилган. Унга кўра, етиштирилган ҳосилга ва ернинг сифатига қараб ҳосилнинг 1/10 дан (ушр) то 1/3 қисми миқдорида солиқ олинган. Савдогарлик ва ҳунармандлик фаолиятига нисбатан тамға ёки закот, хориждан келтирилган молларга бож жорий этилган. Юқоридаги солиқлардан ташқари мамлакат аҳолисидан ҳам молужихот - ер солиғининг бир тури; тағор - озиқ-овқатларни реквизиция қилишда қўлланадиган натура солиғи; ихрожат - саройларга қараш учун махсус йиғим; бож - савдогарлардан чегарани кесиб ўтишда ундириладиган бож; сармушар - жон солиғи; хонамушар - ҳар бир хонадондан олинадиган йиғим; қўналға - элчи, амалдорлар, чопарларга сарфланадиган харажатлар учун йиғим; шилон пули - ноибларни зиёфат қилиш учун йиғими; пешкаш - юқори мансабдаги амалдорларга совға бериш учун йиғимлар ундирилган.

Амир Темурининг тузукларида солиқ муносабатларини бошқаришга оид қоидалар ҳам қуйидаги талқинда келтирилган: «Яна амр қилдимки, хирожни экиндан олинган ҳосилга ва ернинг унумдорлигига қараб йиғсинлар. Чунончи, доим узлуксиз равишда кориз, булоқ ва дарё суви билан суғориладиган экин ерларини ҳисобга олсинлар ва ундай ерлардан олинадиган ҳосилдан икки ҳиссасини раиятга, бир ҳиссасини олий

¹ «Темур тузуклари». Т.: Чқлпон, 1991. 98- б.

саркорлик (салтанат хазинаси) учун олсинлар. Лалмикор ерларни эса, жарибларга бўлсинлар, ҳисобга олинган бу ерлардан (солиқ олишда) учдан бир ва тўртдан бир қоидасига амал қилсинлар»¹

Амир Темурнинг ер солиғини лалмикор ва суғориладиган қисмларидан алоҳида-алоҳида тартибда ундириш, янги ерларни ўзлаштиришни рағбатлантириш мақсадида солиқ имтиёзларини бериш юзасидан ишлаб чиққан қоидаларининг ҳозирда ҳам эътиборга молик жиҳатлари борлигини кўрсатиб ўтиш ўринлидир. Хусусан, бу масалада унинг тузукларида: «Яна амр этдимки, кимки бирон саҳрони обод қилса, ёки кориз қурса, ё бирон боғ кўқартирса ёхуд бирон хароб бўлиб ётган ерни обод қилса, биринчи йили ундан ҳеч нарса олинмасин, иккинчи йили раият ўз розилиги билан берганини олсинлар, учинчи йили эса олиқ-солиқ қонун-қоидасига мувофиқ хирож йиғилсин»²,-деб таъкидлаган. Натурал солиқни ақча тўлови билан алмаштиришга рухсат берилган: «Агар раият рўйхатга олинган ерларидан бериладиган солиқни нақд ақча билан тўлашга рози бўлса, нақд ақча миқдорини саркорнинг ҳиссаси ҳисобланган ғалланинг мазкур давридаги нархига мувофиқ белгиласинлар»³. Шунингдек, Амир Темур юритган солиқ сиёсатининг ўзига хос хусусиятлари сифатида, забт этилган ўлкаларга нисбатан алоҳида солиқ сиёсати стратегияси ва тактикаси қуйидагича белгиланган: «Агар ерлик фуқаро азалдан бериб келган хирож миқдорида рози бўлса, уларнинг розилиги билан иш кўрсинлар, акс ҳолда (хирожни) тузукка мувофиқ йиғсинлар»⁴.

Амир Темур фармойишига биноан солиқ муносабатлари раҳм-шавқатга асосланган бўлиши лозимлиги кўрсатиб ўтилган: «Амр қилдимки, ҳосил пишиб етилмасдан бурун раиятдан молу жиҳот олинмасин. Ҳосил етилгач, ҳосилни уч бўлиб олсинлар. Агар раият солиқ тўловчи юбормасдан, солиқни ўзи келтириб берса, у ҳолда у ерга солиқ тўловчи

¹ «Темур тузуклари». Т.: Чқлпон, 1991. 99-бет.

² Яна ўша манбадан, 99-бет.

³ Яна ўша манбадан, 98-бет.

⁴ Яна ўша манбадан, 98-бет.

юбормасинлар. Агарда олиқ-солиқ олувчини юборишга мажбур бўлсалар, улар солиқларни буйруғ бериш ва яхши сўз билан олсинлар, калтак, арқон ишлатиш, ишни уриш-сўкишгача олиб бормасинлар. Уларни банд этиб, занжир билан кишанламасинлар. Яна буюрдимки, хирожни раиятдан калтаклаш ва савалаш йўли билан эмас, балки огоҳлантириш, кўрқитиш ва тушунтириш йўли билан ундирсинлар. Қайси ҳоким ҳукмининг таъсири чўп ва калтаклаш таъсиридан камроқ бўлса, ундай ҳоким ҳукумат юргизишга яроқсиздур».⁵

Амир Темур давлатни адолатли идора этишда солиқ сиёсатининг ўрни беқиёс эканлигини яхши тушунар эди. Унинг давригача солиқ йиғувчиларнинг маошлари солиқ тўловчилар ҳисобига қопланилган бўлиб, улар ўз шахсий манфаатларидан келиб чиқиб, қонунда кўзда тутилмаган солиқларни ундиришга ҳам ҳаракат қилишганлиги боис, Амир Темур томонидан солиқ ундирувчилар фуқаронинг устига юк бўлмаслиги учун уларга маош тайинлаганлиги бунга мисолдир.

Амир Темурнинг ўзбек давлатчилиги тизимини такомиллаштиришга қаратилган бошқарув, хусусан, солиққа тортиш тизими адолатга асосланганлигини таъкидлаш ўринлидир. Унинг мукаммал жамият куриш ғоясининг асосини мамлакатда ҳисоб-китоб ишларини тўғри ва аниқ юритиш ташкил этган. Илк марта хазина даромадлари солиқли ва солиқсиз тушумларга ажратилган. Хазина харажатлари таркибининг ўзгариш анъаналари таҳлил этилган. Масалан, харажатлар таркибида ободончилик, ижтимоий-маданий (фан, маданият, ижтимоий таъминот) ишларига сарф этилаётган ақчалар ортиб бораётганлиги кузатилган.

Юқоридагилардан хулоса қилиб айтиш мумкинки, Амир Темур ва темурийлар даврида бир қадар тартибли солиқ тизими амал қилган.

XVII аср охирларига келиб солиқлар кўпгина давлатлар бюджетининг асосий даромад манбаига айланиши солиқлар ва солиқ муносабатларини атрофлича ўрганиш зарурлигини тақозо этди. Айнан, шу

⁵ Яна ўша манбадан,

даврдан бошлаб, иқтисодчиларнинг солиқларга ишлаб чиқариш ривожланишининг муҳим унсури ва мамлакат иқтисодий салоҳиятини ўстириш омили сифатида қарашлари юзага келган.

2.2. СОЛИҚҚА ТОРТИШНИНГ КЛАССИК НАЗАРИЯЛАРИ (А.СМИТ, Д.РИКАРДО, ВА БОШҚАЛАР)

XVII аср охирида солиқ назарияси ҳамда солиққа тортиш муаммолари фаол ўрганила бошланди. Солиққа тортиш назариясининг асосчиси, буюк иқтисодчи олим Адам Смит ҳисобланади¹. У солиққа тортиш борасидаги қарашларини ўзининг «Миллатлар бойлиги ...» асарида кўрсатиб берган.¹ А.Смит томонидан ишлаб чиқилган солиқ назарияси асосини солиққа тортишнинг тўрт, яъни: адолатлилик, қулайлик, тенглик ва арзонлик тамойиллари ташкил этади. Олимнинг фикрига кўра, юқорида қайд этилган тамойиллар асосида ташкил этилган солиқ тизими энг мақбул ҳисобланади. Шунини таъкидлаш лозимки, А.Смит ва унинг издошлари томонидан ишлаб чиқилган солиққа тортишнинг классик назарияси ўз давридаги солиқ амалиётидан юз йиллаб илгарилаб кетган бўлиб, уларни ҳозирги кунда ҳам ўрганиш ўз долзарблигини йўқотмаган.

¹ Смит Адам (1723–1790 йй), шотланд иқтисодчиси, 1776 йилда “Миллатлар бойлиги” асарини яратган. // Словарь современной экономической теории Макмиллана. – М: ИНФРА – М, 1997, сс. 457–458.

2.3 Ж.КЕЙНС, М.ФРИДМАН, А.ЛАФФЕР НАЗАРИЯЛАРИДА СОЛИҚ МУНОСАБАТЛАРИ

XX асрда Ж.Кейнс, М.Фридман, М.Борнс, Г.Стайн, А.Лаффер ва бошқа иқтисодчилар томонидан қатор ўзига хос солиқ назариялари яратилди.

Масалан, америкалик иқтисодчи Ж.Кейнс ўзининг назариясида солиқлар иқтисодиётни бошқариш ва уни ривожлантиришнинг асосий омили сифатида талқин этган. Унинг томонидан бўш турган маблағлар(омонатлар) иқтисодиётни ўсишига тўсиқ бўлиши, уларни солиқлар ёрдамида ундириш лозимлиги таъкидланган.

Таниқли инглиз иқтисодчиси ва давлат арбоби, Кейнс таълимотининг асосчиси Жон Мейнард Кейнс (1883-1946) Кембрижда таваллуд топган. Мактабдан сўнг Жон Итон номидаги хусусий коллежга ўқишга кирган; ўша вақтнинг ўзида унинг истеъдоди намоён бўла бошлаган. Кейнс классик адабиёт, математика ва тарих бўйича мукофотлар совриндори бўлган, илмий мақолалар ёзган, турли хил баҳсларда фаол иштирок этган, спорт билан мунтазам шуғулланган. Кейинчалик таълимни Кембридж университетининг Қироллик коллежида давом эттирди ва ушбу ўқув масканида унинг асосий фани иқтисодиёт бўлди. У А.Маршалл маърузаларини тинглар, А.Пигу семинарларига қатнашар, имкон қадар барча иқтисодий адабиётларни ўрганар эди. Университетни тамомлагандан сўнг Давлат хизматининг Ҳиндистон ишлари бўйича Бошқармасига ишга кирган, лекин у ердаги ишни зерикарли топиб, икки йилдан сўнг Бомбейга кетади.

1909 йилда устози А.Маршалл таклифига кўра Кембридж университетига ишга келади ва у ерда 1915 йилгача маърузалар ўқийди. Ушбу давр мобайнида у «Эҳтимоллар тўғрисида трактат», «Ҳиндистон валютаси ва молияси» каби илмий асарларини ёзди. Мазкур ишлари ҳукумат томонидан аъло даражада баҳоланиб, у қироллик комиссияси

аъзолигига тайинланади. II Жаҳон урушидан сўнг Жон ўзининг «Версаль келишувининг иқтисодий оқибатлари», «Пул ислохотлари тўғрисида трактат» каби асарларини ёзди.

1936 йилда Кейнснинг асосий иши «Бандлик, фоиз ва пулнинг умумий назарияси» номли асари нашр этилиши билан иқтисодий таълимотлар ривожланишида туб бурилиш ясалди. Муаллиф ушбу илмий асарида А.Смит ва Д.Рикардоларнинг классик таълимотига қарши ўз таълимотини илгари суради. У иқтисодий жараёнларни микро ва макро даражага ажратиб ўрганиш зарурлигини таъкидлайди. Кейнс иқтисодиётни давлат томонидан мувофиқлаштириш тизими асосчиси ҳисобланади. Унинг талаб ва таклиф, бандлик, инфляция ва бошқа бозор воситалари ҳамда уларнинг ўзаро боғлиқлиги борасида билдирган фикрлари жаҳон иқтисодчилари томонидан тан олинган. Макроқтисодий мувофиқлаштиришнинг Кейнсча модели АҚШ ва Буюк Британияда 30-йиллардаги «турғунлик даври» ҳамда иккинчи жаҳон урушидан кейинги даврларда инқироздан чиқишда асосий рол ўйнаган. Унинг таълимоти XX асрнинг 70-йилларигача энг мукамал ҳисобланган.¹

Кейнсча таълимот асосида давлатнинг фаол фискал сиёсати ётади, бунда, солиқ бетарафлигининг неоклассик таълимотига кўра, иқтисодиётга давлатнинг тўғридан-тўғри эмас, балки бевосита таъсири ётади «Laissez faire passez» классик тамойили таклиф иқтисодиёти тарафдорлари томонидан “Trop dimpot tuell impot” (катта солиқлар солиқларни ўлдиради) сифатида қайд этилган.


Ушбу нуқтаи-назарда солиқлар уларни тўловчилар учун юк бўлмаслиги, балки мамлакатнинг иқтисодий ривожланишини рағбатлантирувчи омиллардан бири бўлиши лозимлиги таъкидланган(8-чизма). Ҳукуматнинг солиқ сиёсати мамлакатда солиқ солиқ ундиришнинг

¹ Қаранг: Бункина М.К., В.А.Семёнова. Макроэкономика: Учебник. -М.: Дело и Сервис, 2000. -512 с.

маъқул механизмини яратишга йўналтирилган бўлиши, у жамғармалар ва инвестицияларни рағбатлантириш омили бўлиши муҳимдир.

8-чизма.

Солиқ ставкаларини пасайтиришнинг иқтисодий моҳияти



Энг юқори солиқ ставкалари пасайтирилганда меҳнат таклифи ҳамда тадбиркорликка рағбатлар ошади, жамғармалар ва инвестициялар кўпаяди. Бу эса, AS эгрисидан AS^1 эгрисига ўтиш имконини беради (таклифдаги нисбатан юксак эгри чизик) натижада нархлар даражаси пасайиб, ишлаб чиқариш ҳажми ўсади.

XX асрнинг 50-йилларида М.Фридман томонидан илгари сурилган монетар назарияда солиқлар пул муомаласини баҳолаш асосида ўрганилган. Иқтисодчининг қарашларига кўра, солиқлар муомаладаги ортиқча пул миқдорини камайтириши орқали пул муомаласига таъсир кўрсатади ва шу орқали иқтисодиётнинг ривожланишига таъсир этувчи салбий омилларни камайтиради.

Америкалик иқтисодчи, монетаризм мактабининг асосчиси, Нобель мукофоти соҳиби Фридман Милтон – 1912 йилда Нью-Йорк шаҳрида, Шарқий Европадан келган камбағал иммигрантлар оиласида дунёга келди.

1928-1932 йилларда Фридман Рутгерс университетини тамомлагач, унга икки йўналиш: математика ва иқтисодиёт бўйича бакалавр даражаси

берилди. Ундан кейин, у Чикаго университетининг магистр даражасини олди (1933). Оз фурсат Колумбия университети билан ҳамкорлик қилиб, кейинчалик Чикагога қайтади.

Иккинчи жаҳон уруши даврида АҚШ казиночилигида солиқлар, шунингдек, ҳарбий- иқтисодий тадқиқотлар билан шуғулланган. Урушдан кейинги даврда Маршал режасини амалга оширишда ёрдамчи бўлиб фаолият кўрсатган. 1948 йили Фридман яна Чикаго университетига қайтади ва сермахсул илмий фаолиятини бошлайди. М.Фридман пул муомаласи, нарх, истеъмол назариялари ва методологияси муаммолари билан шуғулланиб, унга машҳурликни келтирган қатор монографик тадқиқотларни тайёрлади: «Монетар барқарорлик дастури» (1959), «Пул назарияси ва сиёсатида урушдан кейинги анъаналар» (1963), «Пул ва фискал сиёсат»(1969), «Пул назариясида контрреволюция» (1970), «Пул ва иқтисодий ривожланиш» (1973), «Ишсизлик ва инфляция?» (1975), «Капитализм келажаги» (1977), «Иқтисодиёт ва сиёсатда кўринмас қўл» (1981) ва бошқалар. 1967 йили Милтон АҚШ иқтисодий ассоциацияси президенти этиб тайинланди¹.

Фридман ўз даврининг етук иқтисодчилари С.Кузнец, Г.Саймон (Нобель мукофоти соҳиби, 1971), Ф.Найт, Ж.Винер билан ҳамкорликда ишлаган бўлиб, ўзига хос неоклассик мактабнинг асосчиси ва етук намоёндаси ҳисобланади.

XX аср 80-йилларида М.Борнс, Г.Стайн ва А.Лафферлар томонидан таклиф иқтисодиёти назариясига асос солинди. Ушбу назарияда ҳам солиқлар иқтисодиёт ўсиши ва ривожланишининг муҳим омили сифатида эътироф этилган. Мазкур назарияга кўра, солиқ оғирлиги камайтирилиши мамлакатда тадбиркорлик ва инвестицион фаолликнинг кескин ривожланишига олиб келади.

Таклиф иқтисодиётининг асосий назарий постулати А.Лаффернинг машҳур солиқ эгрисида ўз аксини топган. Унда давлат бюджети солиқ

¹ Қаранг: Бункина М.К., В.А.Семёнов. Макроэкономика: Учебник. -М.: Дело и Сервис, 2000. -512 с.

тушумлари, солиқ ставкалари ва миллий ишлаб чиқариш даражалари ўртасидаги ўзаро алоқа акс эттирилган. Унга кўра, солиқ ставкалари юқори даражада амалга оширилиши, солиқ тўловчиларнинг солиққа тортиш базаси бузилиши ҳисобига бюджетга солиқ тушумларининг қисқаришига, охир оқибатда, субъектларнинг ишлаб чиқариш фаолияти рағбатлардан маҳрум этилишига олиб келади.

Таклиф иқтисодиёти тарафдорлари, статистик маълумотлар асосида, солиққа тортишнинг энг маъқул ставкаларини аниқлашган. Ушбу мактабнинг машҳур вакили М.Фелдстейн даромад солиғи ставкаси 42 фоиз бўлиши кераклигини асослайди, америка солиқ ислохотлари лойиҳаси муаллифлари сенаторлар Бредли ва Гефард унинг 30-35 фоизлик даражасини таклиф этишди, М.Фридман эса, чегарани 25 фоиз даражасида белгилаш лозимлигини қайд этган. Мазкур нуқтаи-назарларнинг энг сўнггиси, яъни 25 фоизлик даражаси А.Лаффер назарий моделига бир мунча мосдир. Шундан кўришиб турибдики, солиққа тортишнинг энг маъқул ставкаси 15-25 фоизлар ўртасидадир (аслида Лаффернинг нуқтаи-назарига кўра, фойдага энг маъқул солиқ ставкаси 20-25 фоиздан ошмаслиги лозим).

Таклиф иқтисодиётининг яна бир мақсади турли субъектлар ва иқтисодиётнинг алоҳида тармоқларига солиқ имтиёзларини бекор қилишга қаратилганлигидир. Бу борада, таклиф иқтисодиётининг бош тамойили куйидагича ифодаланади: юқори солиқлар – катта солиқ имтиёзлари берилишини ва аксинча, куйи даражадаги солиқлар – солиқ имтиёзларини бекор қилишни назарда тутайди. Адолат нуқтаи-назаридан таъкидлаш жоизки, А.Лаффер ғояси қатор иқтисодчилар томонидан танқид қилинган. Танқид моҳияти шундан иборат эдики, солиқ ставкаларини пасайтириш бюджет даромадлари камайишининг олдини олиш, ишлаб чиқариш ҳамда даромадлар ўсиши туфайли солиқ базасининг унга мос ҳолда кенгайиши тўғрисидаги Лаффер таклифи ўта соддалаштирилган. Уни қисқа муддатли, яъни тактик мақсад йўлида амалга ошириш шубҳали топилиб, Лаффер

тавсияларига мос ҳолда қабул қилинган чора-тадбирларнинг амалий
натижаси давлат бюджети тақчиллиги бўлади, деган хулосага келинган эди.

2.4. РИВОЖЛАНГАН МАМЛАКАТЛАРДА СОЛИҚ ТИЗИМИНИ РИВОЖЛАНТИРИШ АНЪАНАСИ

Солиқ тизимининг таркиби ва турлари бўйича ривожланган мамлакатларни икки гуруҳга: асосий улуши тўғри солиқларга тўғри келадиган (АҚШ ва бошқ.) ва асосий салмоқни эгри солиқлар ташкил этадиган давлатлар (ЕИ мамлакатлари ва бошқ.)га ажратиш мумкин.

АҚШ солиқ тизими федерал ҳукумат ҳамда маҳаллий ҳокимият органлари томонидан асосий солиқ турларининг параллел равишда фойдаланилиши билан тавсифланади. Бундай солиқлар таркибига даромад солиғи, аниқ товарлар учун акцизлар, ижтимоий суғурта, таъминот жамғармаларига бадаллар, мерос ва совғаларга солинадиган солиқларни киритиш мумкин. АҚШ федерал ҳукумат солиқ тизимида даромад солиғи, штатларнинг солиқ тизимида универсал ва махсус акцизлар асосий ҳисобланса, маҳаллий солиқ тизимида мол-мулк солиғи муҳим ўрин эгаллайди. Бугунги кунда тўғри солиқларнинг 40 фоизи, энг йирик фискал йиғим ҳисобланадиган, федерал даромад солиғи ҳиссасига тўғри келади.

АҚШда жисмоний шахслар даромадларини солиққа тортиш объекти «иш юритиш»га (тадбиркорлик фаолиятини ташкил этиш, транспорт, махсус кийимлар ва бошқ.) сарфланган харажатлар чегирилган ҳолдаги корпоратив бизнестан олинган шахсий даромад ҳисобланади. Бунда трансфер тўловлари, узоқ муддатли капитал активларни сотишдан олинган даромаднинг ярми, облигациялар бўйича фоизлар ва бошқа шу каби ишлаб чиқаришга тааллуқли бўлмаган даромадлар солиққа тортиладиган базадан қисман ёки тўлиқ чегирилади. Солиққа тортиладиган даромадга жисмоний шахсларнинг барча даромадлари, хусусан, ёлланма ишчилар иш ҳақи, эркин касб эгаларининг даромади, қалам ҳақлари, яқка тартибдаги меҳнатдан олинган тушумлар ва бошқалар киритилади. Мазкур солиқни ҳисоблашда солиқ тўловчининг фарзандлари ёки қарамоғидагилар сони,

шахсий ёки ижарага олинган уйда яшаши, саломатлиги ва шу каби омиллар ҳам ҳисобга олинади.

Европа Иттифоқига аъзо мамлакатлар солиқ тизими АҚШ солиқ тизимига муқобил ҳисобланади. 1998 йилда Европа Иттифоқи мамлакатларида даромад солиғи 24 фоизни ташкил этган бўлиб, бу истеъмол солиқларининг (1/3 атофида) улушидан камдир (1-жадвал). Кўпгина солиқлардан (50 тури атофида) ташкил топган ва федератив тузилишга эга Германия солиққа тортиш тизими ҳам ўзига хосдир. Ушбу мамлакатда ҳар бир солиқ тури бўйича махсус қонунлар амал қилиб келган.

1-жадвал

Ривожланган мамлакатлардаги солиқлар таркиби(2001)

(жами солиқлардаги улуши %)

	АҚШ	ЕИ	Япония
Даромад солиғи	41	24	19
Корпоратив солиқ	9	6	13
Мол-мулк солиғи ва бошқа тўғри солиқлар	11	8	11
Суғурта жамғармаларига бадаллар	23	32	38
Истеъмол солиқлари	16	30	19

Манба: «OECD Economic Outlook», № 69, 2002.

Германияда солиқ тўловчилар учинчи шахс (солиқ маслаҳатчилари, солиқлар бўйича масъуллар, адвокатлар, аудиторлар) ёрдамидан фойдаланиши мумкин. Ушбу хизмат «Солиқ маслаҳатчилари» тўғрисидаги махсус қонун билан тартибга солинади. Ушбу хизматни кўрсатиш бўйича сертификатга эга бўлмаганлар томонидан кўрсатилган хизмат учун 500 евро миқдорида жарима солинади.

Бошқа иқтисодий ривожланган мамлакатлардаги каби Германияда ҳам бюджет даромадларида асосий салмоқни истеъмол солиқлари ташкил этади. Масалан, ҚҚС товар ва хизматлар истеъмолчига етиб боришининг

барча босқичларидан ундирилади. Солиққа тортиш объекти бўлиб ишлаб чиқариш ва сотиш жараёнининг ҳар бир босқичида қўшилган қиймат ҳисобланади.

Қишлоқ хўжалиги маҳсулотлари, озиқ-овқатлар, тиббий ва босмахона хизматлари, транспорт ва бошқа ижтимоий мақсаддаги хизматлар 7 фоизлик ставкада солиққа тортилади. Экспорт, денгиз флоти ва фуқаро авиацияси учун ишлаб чиқарилган товарлар, шунингдек, қимматли қоғозлар муомаласи билан боғлиқ кредит операциялари солиққа тортилмайди. Солиққа тортишдан почта, банклар, суғурта компаниялари, айрим ижтимоий-маданий муассасалар хизматлари, шунингдек, кичик, қишлоқ ва ўрмон хўжалиги корхоналари озод этилган.

90-йилларда Европа Иттифоқида амалда бўлган солиқ турлари ва солиқ ставкаларини тартибга солиш борасида қатор ислохотлар амалга оширилди. Ўша даврларда Европа Иттифоқига аъзо мамлакатлар солиқ тизимларининг турлича бўлганлиги солиқ қонунчилигининг мослашувчанлигига маълум даражада тўсқинлик қилганлигини кўрсатиб ўтиш лозим.

Юқорида қайд этилган солиқ тизимининг муқобил гуруҳларига Япония кирмайди. Чунки, унинг бюджет даромадларида даромад ва истеъмол солиқларининг улуши бир хил (ўртача 20 фоиз атрофида). Япония ҳукумати ўз маблағларини (30 фоиз атрофида) нобюджет фондларга ажратмалар ҳисобидан шакллантиради. Ушбу ажратмаларга ижтимоий суғурта ва ёлланма меҳнат билан шуғулланадиган шахсларни ижтимоий таъминлаш учун тўланадиган ажратмалар киритилган бўлиб, улар тўғри солиқлар ҳисобланади.

Ижтимоий таъминотни молиялаштириш манбаи бўлиб, давлат ижтимоий суғурта жамғармаси, давлат ва маҳаллий бюджет маблағлари, пенсия фондлари ҳисобланади. Давлат ижтимоий суғурта жамғармаси ишчилар, тадбиркорлардан ундириладиган бадаллар ва давлат бюджети дотациялари ҳисобига ташкил этилади. Ушбу фонд ресурслари

инвестицион фаолиятдан олинган даромадлар билан тўлдирилиб борилади. Ижтимоий суғурта бадаллари мажбурий бўлиб, улар солиқ тўловлари сифатида талқин этилади.

Сўнгги йилларда, иқтисодий ривожланган мамлакатларда ўз миллий солиқ тизимлари ислоҳ этилмоқда. Масалан, АҚШда 2007 йилгача истеъмол солиғини 60 млрд. АҚШ долларга қисқартириш кўзда тутилмоқда. АҚШ ҳукуматининг таъкидлашича, солиқ ставкаларининг пасайтирилиши мамлакат иқтисодий ҳолатининг яхшиланишига омил бўлади.

Европа Иттифоқи мамлакатларида амалга оширилаётган ислохотлар натижасида ҳам солиқ юкининг пасайтирилиши назарда тутилган.

Хусусан, 1998 йилда Германия ҳукумати солиқ ставкаларини пасайтириш юзасидан ислохотларни амалга оширишини эълон қилди. Унга кўра, 2001-2005 йилларда жисмоний ва юридик шахслар солиқларини 56 млрд. немис маркаси(27 млрд. АҚШ доллар)га камайтирилиши таъкидланганлиги, ислоҳ қилиш асосан иш ҳақидан олинадиган даромад ва капиталдан олинадиган даромаддан ундириладиган солиқларга дахлдор бўлиши ҳамда улар 3 босқичда амалга оширилиши таъкидланди. Масалан, мамлакатда корпоратив солиқ юки пасайганлиги (2000 йилда 51,6 дан 2001 йилда 39,4 фоизгача туширилиши) ислохот самарасидир.

Турли мамлакатларда ундириладиган солиқлар таркиби ва ставкалари ҳам такомиллашиб бормоқда (2-илова). Хусусан, Франция ҳукумати 2001-2003 йиллар мобайнида 120 млрд. франк(86 млрд. АҚШ доллар)гача, Италияда эса, 20 трлн. лира (9 млрд. АҚШ доллар) атрофида солиқ юки камайтирилиши таъминланди. Ирландияда корпоратив солиқ ставкаси 20 фоиз (ЕИ мамлакатларида энг кичик) даражада белгиланди.

1996-2001 йиллар мобайнида ривожланган мамлакатларда корпоратив солиқ ставкаси ўртача 37,5 дан 33 фоизгача пасайтирилди. Лекин корпоратив солиқларни пасайтириш истеъмол солиқларининг ортиши

ҳисобига амалга оширилди ва бюджетни тўлдиришда улар самарали манба бўлиб қолди.

2.5. ДАРОМАД(ФОЙДА)НИ СОЛИҚҚА ТОРТИШДА СОЛИҚ ТАМОЙИЛЛАРИНИ ОПТИМАЛЛАШТИРИШ

Эркин концепцияга мувофиқ фойдани солиққа тортиш бўйича имтиёзнинг камайрилиши солиқлар ёрдамида иқтисодиётнинг истиқболли тармоқларини ривожлантиришда давлат таъсирининг пасайишига олиб келади ва бу ҳолда, устуворлик бозор муносабатлари таъсирида кечади. Назарий жиҳатдан бу ҳолат кўпинча солиққа тортишнинг бетарафлик тамойилини ҳаётга жорий этиш билан узвий боғлиқликда кечади.

Тадбиркорлик фаолияти ҳамда унга мос ҳолдаги фойдани солиққа тортишда ушбу тамойил капиталнинг қўлланилиш соҳалари ва иқтисодий фаолият турларидан қатъий назар солиқ ундиришнинг адолатлиликка асосланганлиги билан ифодаланади. Бироқ, қатор мамлакатлар учун фойдани солиққа тортишда имтиёзларнинг аҳамияти салмоқли ҳисобланади. Бу тўғрисида, хусусан, XX - асрнинг 90-йилларида қатор етакчи мамлакатлар бўйича япон экспертлари берган баҳо гувоҳлик беради. Мазкур баҳолашларга кўра, солиқ имтиёзлари АҚШ, Англия, Германия, Япония (20,0; 25,0; 16,0 ва 4,0 фоизлари мос ҳолда) фойдадан солиқ тушуми камайишига олиб келади. Ҳақиқатда ҳам барча мамлакатларда, Япония истисно қилинганда, фойдани солиққа тортишнинг пасайиши солиқ имтиёзлари кенг қўлланилиши оқибатида сезиларли бўлганлигини таъкидлаш лозим. Япония мисолидаги алоҳида вазият эса, бу мамлакатда ўзига хос солиқ сиёсатини юритишнинг(фойдага юқори солиқ ставкаларининг - 50 фоизга яқини - кичик ҳажмдаги солиқ имтиёзлари билан қўшилиши) самараси бўлиб, у, нисбатан фискал моҳият касб этганлиги билан изоҳланади. Фойдани солиққа тортишдаги бундай йўналишни тадбиркорлик фаолиятига салбий таъсири, ўз навбатида, фаол саноат сиёсатини юритиш билан бартараф этилади.

Умуман олганда, фойдани солиққа тортишда фискал ва рағбатлантирувчи функцияларнинг ўзаро оптимал ҳолда қўлланилиши деярли барча ривожланган мамлакатларда ялпи солиқ даромадларида, айниқса, яқка тартибда ундириладиган даромад солиқлари ва асосий эгри солиқларни ундириш жараёнида уларнинг таъсирини мўтадиллаштиришда сезиларли аҳамиятга эга бўлади.

Ҳозирги кунга қадар, халқаро солиқ амалиётида мукамал солиқ тизими мавжуд эмас. Шу боис, барча мамлакатлардаги солиқ сиёсатининг илмий-амалий асосларини ўрганиш, самарали ва адолатли солиққа тортиш услубиятини ишлаб чиқиш юзасидан изланишлар амалга оширилмоқда.

Мавзу бўйича хулосалар:

- солиқ муносабатларини бошқаришни ташкил этиш жамият ривожланишининг муҳим омили эканлиги таъкидланди;
- солиқ тизими тарихий трансформациясининг натижаси сифатида ўрганиб чиқилди. Хусусан, Амир Темур солиқ тизимининг ўзига хос хусусиятлари ёритиб берилди;
- солиқ менежменти назарияларининг умумий ва фарқли жиҳатлари баён этилди.

Мавзунинг таянч иборалари:

солиқ сиёсати, солиқ муносабатлари, солиққа тортиш назарияси, солиқ тамойиллари, солиқ иқлими, фискал солиқ сиёсати, солиқ концепцияси, А.Лаффер солиқ эгри чизиғи.

Ўз-ўзини назорат қилиш учун саволлар:

1. Солиқ муносабатлари ва уларни бошқаришнинг аҳамияти.
2. Қадимги ва ўрта асрларда солиқ муносабатлари.
3. А.Темур даврида солиқ муносабатлари ва уларни бошқаришнинг ўзига хос хусусиятлари.
4. Солиқ менежменти назариялари (А.Смит, Ж.Кейнс, М.Фридман ва бошқалар).
5. А.Лаффернинг солиқ эгри чизиғи.

Фойдаланилган адабиётлар:

1, 3, 5, 7, 8, 20, 21, 30, 31, 40, 41, 42, 44, 47, 51, 52

III боб. ЗАМОНАВИЙ СОЛИҚ ТИЗИМИ ВА УНИНГ ЎЗИГА ХОС ХУСУСИЯТЛАРИ

3.1. СОЛИҚ ТИЗИМИ ВА УНИНГ МАЗМУН-МОҲИАТИ

Жамиятнинг ривожланиш тарихида солиқлар тўғрисида хилма-хил фикр-мулоҳаза ва назарияларнинг ўзига хос ўрни мавжуд бўлиб, уларни таҳлил қилиш орқали самарали солиқ тизими моделини янада такомиллаштириб бориш имконияти юзага келади.

Хўжалик юритиш халқаро амалиётининг энг мураккаб ва қарама-қаршилиқларни ўзида акс эттирувчи муаммоларидан бири - солиқлар муаммосидир. Солиқлар ижтимоий эҳтиёжларни қондириш учун давлат томонидан қонунийлик замирида жорий этилган қоидалар асосида ундириб олинган мажбурий тўловлар бўлиб, давлат бюджети даромадлари асосан улардан (ўртача 50-95%) ҳосил бўлади.

Ўзбекистон Республикасининг давлат бюджети даромадларининг ҳам асосий қисми солиқлар ҳисобига шакллантирилади. Солиқлар - мажбурий тўловни ифода этувчи пул муносабатларини билдиради¹. Шу нуқтаи назардан солиқ тизими - солиқ турларининг йиғиндиси бўлиб, давлат бюджети тизимининг таркибий қисми ҳамдир. Солиқлар ва йиғимларни жорий этиш ҳамда уларни ундириш шакл ва усулларини қўллаш, яъни солиқ тизими орқали давлат харажатларининг асосий қисми молиялаштирилади.

Ўзбекистон Республикаси ҳудудида:

- умумдавлат солиқлари;
- маҳаллий солиқлар ва йиғимлар амал қилади.

Солиқлар ва йиғимлар бўйича имтиёзлар Ўзбекистон Республикаси Олий Мажлиси ёки у ваколат берган давлат органи томонидан

¹ Қаранг: Қ.Яҳёев. Солиққа тортиш назарияси ва амалиёти. Дарслик (қайта ишланган). -Т., 2003. 9 - бет.

белгиланади².

Солиқ солиш - юридик шахсларга нисбатан мулкчилик шаклидан қатъи назар, қонун олдида тенглик асосида амалга оширилади. Олинган манбаларидан қатъи назар, барча даромадларга солиқ солиниши шарт¹.

Ўзбекистон Республикаси Солиқ Кодекси солиқ тизимининг ҳуқуқий асосларини, солиқ тўловчиларнинг ҳуқуқлари ҳамда мажбуриятларини белгилайди, солиқ ишларини юритиш тартиботини ва солиқ ҳақидаги қонун ҳужжатларини бузганлик учун жавобгарликни тартибга солиб туради².

Миллий даромадни қайта тақсимлаш механизмларидан бири бўлган солиқлар орқали давлат бюджети даромадларини шакллантириш ҳамда иқтисодий тартибга солишда улардан самарали фойдаланиш, айниқса, солиқ тўловларининг амалга оширилишида томонлар манфаатларини мувофиқлаштириш назарда тутилади. Солиқ механизми - солиқ ишини ташкил қилишнинг элементлари, таъйинлари ва услублари мажмуасидир. Уни такомиллаштиришда, айнан, ўзаро боғлиқ бўлган мазкур мажмуани такомиллаштириш тушунилади.


Шу ўринда, таъкидлаш лозимки, солиқ механизми мамлакатимизда юридик ва жисмоний шахсларнинг иқтисодий фаоллигига таъсир этувчи омиллардан биридир. Шу нуқтаи назардан, солиқ тизими ва унинг ўзига хос хусусиятларини ўрганиш мақсадга мувофиқдир.

Юридик ва жисмоний шахслар амалдаги солиқ қонунчилигига кўра, белгиланган тартибда солиқ тўловчилар ҳисобланади. Улар томонидан тўланадиган солиқлар хилма-хилдир (9-чизма).

² Ўзбекистон Республикасининг Солиқ Кодекси. Меъёрий ҳужжатлар тўплами - Т.:Иқтисодий ва ҳуқуқ дунёси” нашриёт уйи, 2003. 2-боб, 5-модда, 5-6 бетлар.

¹ Ўзбекистон Республикасининг Солиқ Кодекси. Меъёрий ҳужжатлар тўплами - Т.:Иқтисодий ва ҳуқуқ дунёси” нашриёт уйи, 2003. 2-боб, 4-модда, 5 бет.

² Ўша манбадан, 1-боб, 1-модда, 4 бет.



¹Ўзбекистон Республикасида фаолият кўрсатаётган суғурта ташкилотлари томонидан тўланадиган солиқлар тизими амалдаги солиқ қонунчилигига мувофиқ ишлаб чиқилди.

Хусусан, Ўзбекистон Республикаси Солиқ Кодексига мувофиқ барча юридик шахслар белгиланган тартибда умумдавлат ва маҳаллий солиқларнинг тўловчилари ҳисобланади.

Солиқларни ундириб олишда, илмий-амалий жиҳатдан уларнинг асосланган бўлиши муҳим аҳамият касб этади. Солиқ механизмининг таъсирчанлиги мамлакат ривожига йўлидаги кўп қиррали туркум вазифаларни бажариш жараёнида намоён бўлади.

Мамлакатимизда ислохотларни янада чуқурлаштириш даврида солиқлар роли ортиб, улар энг муҳим иқтисодий механизмга айланиб қолди.

Солиқ тизими ва унинг амал қилиш механизми - бозор муносабатлари шароитида айнан мамлакатдаги тадбиркорлик фаоллиги ва иқтисодий ўзгаришлар муваффақиятини белгилаб беради.

Мамлакатимизда амалиётга жорий этилган солиқ Кодексининг аҳамиятли жиҳати шундаки, бир томондан, у солиқ муносабатларини мажмуалилик, тизимлилик ва изчиллик негизида босқичма-босқич такомиллаштира бориш орқали солиққа тортишнинг:

- тамойиллари;
- тизими;
- турлари;
- ҳисоб-китоблари;
- ҳуқуқий асослари каби жиҳатларини ўзида мужассам этган, иккинчи

томондан, солиқ қонунчилигига оид меъёрий ҳужжатларни тартибга солиб, у солиқ тизимининг яхлит-барқарор ҳуқуқий асоси бўлиб қолмоқда.

Бу борадаги муаммолар илмий-назарий баҳс, фикр алмашувларнинг объекти сифатида, молия муносабатларини такомиллаштириш, иқтисодий ривожланиш жараёнида бюджет сиёсати ҳам, солиқ сиёсати ҳам молия

² Юридик шахсларнинг меҳнатга ҳақ тўлаш фондидан ягона ижтимоий тўлов жорий этилди. Ўзбекистон Республикаси Вазирлар Маҳкамасининг “Ўзбекистон Республикасининг 2004 йилги давлат бюджети параметрлари тўғрисида”ги 567- сонли қарори. 2003 йил, 25 декабрь// «Солиқлар ва божхона хабарлари» газетаси, 2004 йил, 23 январь.

сиёсати доирасида давлатнинг иқтисодий таъсирини ўзида акс эттирувчи солиқларнинг:

- «манба яратувчи»;
- «ташвиқ қилувчи-йўналтирувчи»;
- «мажбурловчи»;
- «руҳий таъсир этувчи» ва шу каби функцияларида намоён бўлиши, уларнинг - дастаклар сифатида кенгрок тадқиқ этилишини йўлга қўйиш заруратини келтириб чиқарди.

Шу ўринда, солиққа тортишни қиёсий таҳлил этиш ҳам фойдали бўлиб, бунда халқаро солиқ тажрибасини, асосан ривожланган мамлакатлар мисолида, хусусан, АҚШ, Англия, Франция, Германия, Италия, Япония ва бошқа қатор давлатларнинг турлича дастаклар ёрдамида, миллий иқтисод ривожини учун шарт-шароитлар яратиб берган «муҳофазакор» сиёсатини мисол қилиб келтириш мумкин.

Халқаро солиқ муносабатларини ўрганишнинг яна бир ўзига хос жиҳати шундаки, мазкур мамлакатлар «аралаш иқтисодий» орқали эркин тадбиркорликка кенг йўл очиб беришган. Тадбиркорлик фаолияти эса, асосан солиқ сиёсати таъсирида давлат томонидан тартибга солиб турилади.

«Ўзбек модели»¹ ривожланишининг иқтисодий, ижтимоий - сиёсий тамойилларини инобатга олган ҳолда ривожланган мамлакатларнинг бу борадаги бой назарий - амалий тажрибасини қиёсий таҳлил асосида ўрганиш орқали уларнинг солиқ тизимлари афзалликларидан самарали фойдаланган ҳолда, давлатимизнинг ҳам миллий иқтисодийни қўллаб-қувватловчи молия ва пул сиёсатини айниқса, солиқлар борасидаги тадбирларни изчиллик билан амалга оширишнинг мавжуд имкониятларидан янада самарали фойдаланиш мумкин бўлади. Бу ўз навбатида, мамлакат иқтисодий юксалиши учун мустаҳкам таянч ролини ўйнайди ҳамда солиқ стратегиясининг устувор йўналишлари мажмуасини

¹ Ҳозирда бу термин кенг қўлланилмоқда (муаллифлар).

мукаммал ишлаб чиқиш имконини яратиб, солиқ механизмини янада такомиллаштириш учун асос бўлади.

Солиқ тизимининг самарали бўлиши унинг товар ишлаб чиқарувчилар ва истеъмолчиларга таъсирини ижобий томонга ўзгаришига сабаб бўлмоқда. Айнан, шундай саъйи-ҳаракат негизида мамлакат солиқ муносабатлари сифат жиҳатидан янги ривожланиш даражасига кўтарилади.

Бу тизим ўзида:

- қонунчилик, адолатлилик тамойилларига асосланган солиқ механизмини янада такомиллаштириш;

- замонавий солиқ хизмати идоралари фаолиятини изчиллик билан олиб бориш;

- солиқлар ва солиққа тортиш соҳасида кадрлар тайёрлаш ва қайта тайёрлашнинг самарали механизмини яратиш;

- мамлакатда солиқ назарияси асосларини ишлаб чиқиш ва муваффақият билан амалиётга жорий этиш;

- солиқ тўловчиларда юқори солиқ маданиятини қарор топтириш;

- миллий иқтисодиёт ривожига самарали таъсирга эга бўлган солиқ имтиёзларини қўллаш каби қатор, туб сифат ўзгаришларини мужассам этганлиги билан изоҳланади.

Солиқлар, уларнинг олдига қўйилган кўп қиррали вазифаларни бажариб, мамлакат иқтисодий ривожига етакчи таъсир ўтказувчи унсурлардан бирига айланади. Улар таъсирида солиқ муносабатлари тартибга солиниб, солиқ қонунчилиги мустаҳкамланади, шунингдек, солиққа тортишнинг энг мақбул ставкалари даражалари аниқланиб, солиққа тортиш базаси янада кенгаяди ва солиқ субъектлари сони ортади.

Солиқ менежментига таъсир этувчи омиллар ва шарт-шароитни шакллантириш унинг мақсадли тизим эканлигини кўрсатади. Бу жараёнда, иқтисодиётнинг сифат ва сон кўрсаткичи, маълум давр оралиғида солиқ тизими таъсирида бўлади. Солиқ менежментининг услубий-амалий жиҳатдан мураккаблиги, солиқларнинг бир вақтнинг ўзида иқтисодий -

молиявий, сиёсий-ҳуқуқий ва ижтимоий ҳодиса эканлигидан, шунингдек, мазкур бошқарувнинг кўп қиррали ва таркибан кўп бўлинмаллиги оқибатидандир. Солиқ менежментининг бу сифати, объектив равишда, унга кўп мақсадлилиқ хослигини кўрсатади.

Аммо, давлатнинг солиқ тизимини шакллантириш ва уни ривожлантиришнинг бош омилларига асосланиб таъкидлаш мумкинки, солиқ менежментининг мақсади давлатнинг иқтисодий-ижтимоий сиёсий манфаатларига кўра аниқланади. Айнан, шу мезонларга биноан, солиқ тизимининг самарадорлиги, унинг функционаллигида мақсадларга эришганлик кўрсаткичлари баҳоланади.

3.2. БОШҚАРУВ ТИЗИМИ СИФАТИДА

Тизим сифатида солиқ менежменти солиқ тўловчи субъектлардан турли бюджетларга мажбурий ва қайтимсиз тўловлар кўринишидаги пул оқимини режалаштиради, мувофиқлаштиради ва унинг назоратини уюштиради.

Таъкидлаш лозимки, бу таъриф солиқ менежментининг моҳиятини тўлиқ очиб бермайди. Масалан, бу жараённинг мақсадга йўналтирилганлигидан келиб чиқиб, қайд этиш керакки, солиқлар, бир томондан, давлат бюджети даромадларининг асосий манбаси саналса, бошқа томондан, уларнинг мувофиқлаштирувли таъсирга эга эканлиги (солиқ жарималари, чегирмалари, имтиёзлари ва шу кабилар орқали) давлатнинг иқтисодий ҳолатини сифат ва сон жиҳатдан бошқариш орқали тадбиркорлик субъектларига, алоҳида соҳа(тармоқ)ларга, аҳолининг ҳаёт даражасига, жамият ижтимоий-иқтисодий ривожига таъсир кўрсатишнинг муҳим воситаси ҳисобланади.

Солиқларнинг юқорида баён этилган ўзига хослигига асосланган услубийлик ва ворисийликка кўра, солиқ менежментининг мақсадини аниқлаш ҳамда уни амалиётга йўналтириш самарали ҳисобланади.


Таъкидлаш лозимки, солиқ менежментининг бош мақсади турли субъектлар ва аҳолига давлат томонидан қонунга асосланган ҳолда жорий этилган солиқлар ва солиқ режими воситасида таъсир кўрсатиш орқали иқтисодиётнинг самарали ривожланишини таъминлашга қаратилгандир.

3.3. СОЛИҚ МЕНЕЖМЕНТИНИНГ ФУНКЦИОНАЛЛИГИ (СОЛИҚЛАРНИ РЕЖАЛАШТИРИШ, МУВОФИҚЛАШТИРИШ ВА СОЛИҚ НАЗОРАТИ)

Солиқ бошқарувининг юқорида келтирилган асослари уни тизим сифатида концептуал тасаввур этиш имкониятини юзага келтиради. Унга кўра, солиқ менежменти ўзаро боғлиқ ва таъсирда бўлган блоклар, бир қанча тизимлардан ташкил топганлиги (10-чизма) намоён бўлади. Давлат бошқарувининг муҳим таркибий қисми бўлган солиқ менежменти бир неча тизимлар мажмуаси ичида етакчи саналади.

10-чизма.

Солиқ менежменти тизими



Функционал солиқ тизимлари

Давлатнинг умумий бошқаруви негизида, қонун чиқарувчи ва ижро этувчи ҳокимиятлар тизими таъсирида, солиқ менежменти солиқ сиёсати стратегиясини ишлаб чиқиш, шунингдек, унинг ташкилий механизмини такомиллаштириш, солиқларнинг функциялари ва солиққа тортишнинг

технологияларини аниқлаштириш орқали солиқ муносабатлари мувофиқлаштирилишини таъминлайди.

Шундай сиёсатнинг бош мақсади тизим инфратузилмасини шакллантириш ва мукамаллаштириш орқали солиқ менежментининг функционаллигини, яъни солиқларни режалаштириш, мувофиқлаштириш, назоратини самарали уюштиришни таъминлашга қаратилганлигини таъкидлаш лозим.

Солиқ менежментининг етакчилигида тизимлар мажмуасида солиқ муносабатлари ва солиққа тортиш жараёнига режали, мувофиқлаштирувчи ва назорат қилувчи таъсирлар кўрсатилади.

Солиқ менежментининг ҳар бир тизими, ўзига хос мақсадларига кўра фаолият юритади, аслида, устувор мақсад негизида, бир бутунлик ва ўзаро боғлиқликда бўлади. Мақсадлар тизими солиқ режаси, маълум бир солиқ тартиботи ёрдамида солиққа тортиш усулларини қўллаш, уларнинг бажарилишини назорат қилиш орқали махсус функциялар амал қилиши ҳамда қарорлар қабул қилиниши иқтисодий жиҳатдан асосланади ва шакллантирилади.

Шу ўринда қайд этиш лозимки, солиқ менежментининг шу тусдаги тизимларини, ҳар қандай ижтимоий-иқтисодий тизим таркибини алоҳида ажратиб кўрсатиш сингари шартли ҳисобланади. Режалаштириш, мувофиқлаштириш, назорат тизимларининг функционаллиги ўз ҳаракати доирасида мустақил амал қилади. Шу нуқтаи назардан, солиқ менежментининг концептуал асосини ўрганиш орқали, уни бир бутун ижтимоий муносабатлар категорияси эканлигини таъкидлаш мумкин.

Солиқ менежменти иқтисодиёт субъектлари ва аҳолига, жамиятнинг оптимал ва самарали ижтимоий-иқтисодий ривожланишини таъминлаш мақсадида, жорий этилган солиқлар ва солиққа тортиш орқали таъсир кўрсатишнинг тизимлашган жараёнидир.

Мавзу бўйича хулосалар:

- солиқ менежменти яхлит тизим эканлиги таъкидланди;
- солиқ менежментининг таркибий қисмлари ўрганилди, уларнинг ўзаро боғлиқлиги кўрсатилди;
- функционал солиқ тизими самарали ишлашида солиқ менежментининг ўрнига баҳо берилди;
- солиқ менежментининг бошқа бошқарув тизимлари билан ўзаро алоқаси тадқиқ этилди.

Мавзунинг таянч иборалари:

бошқариш жараёни, умумдавлат бошқаруви, солиқ тизими, функционал солиқ тизимлари, солиқ менежменти инфратузилмаси, солиқларни режалаштириш, солиқларни мувофиқлаштириш, солиқ назорати, солиқ муносабатларини бошқариш.

Ўз-ўзини назорат қилиш учун саволлар:

1. Солиқ менежменти ва унинг таркиби.
2. Солиқ менежменти жараёни.
3. Солиқ менежментига таъсир этувчи омиллар.
4. Функционал солиқ бошқаруви тизими.
5. Солиқ менежментининг бошқа тизимлар билан ўзаро боғлиқлиги.

Фойдаланилган адабиётлар:

1, 2, 5, 6, 12, 15, 17, 21, 25, 28, 31, 34, 35, 37, 39, 41, 44, 47, 50.

IV боб. СОЛИҚ МЕНЕЖМЕНТИ ВА УНИНГ АШКИЛИЙ АСОСЛАРИ

4.1. СОЛИҚ СИЁСАТИ-СОЛИҚ МЕНЕЖМЕНТИНИНГ АСОСИ: ЎЗАРО АЛОҚАДОРЛИК ВА ЎЗАРО ТАЪСИР

Ҳозирги кунга келиб, Ўзбекистонда солиқлар ва солиққа тортишни бошқариш тизими шакллантирилди, унинг асосий таркибий қисмларини ривожлантириш жараёни эса, давом этмоқда. Солиқ бошқаруви интеграллашган, кўп босқичли ва кенг жабҳали бўлиб, у давлат бошқарувининг қонун чиқарувчи ва ижро этувчи органларининг турли даражаси ҳамда бўлинмалари билан доимий ўзаро алоқадорликда ва таъсирда бўлган маълум бўйсунувчанлик муносабатлари тизимидир.

Солиқ бошқарувини амалга оширишда давлат ўз солиқ сиёсатини ишлаб чиқади. Солиқ сиёсати - бу иқтисодий сиёсатнинг ажралмас бир бўлаги бўлиб, давлатнинг муайян даврда аниқ мақсадларга қаратилган солиқ соҳасидаги фаолиятидир. У таркибан, солиқларни жорий этиш, солиққа оид ҳуқуқий база яратиш, жорий этилган солиқлар ва солиқсиз тўловларни амалиётда ишлаш механизмини шакллантириш ва самарадорлигини оширишга қаратилган давлатнинг тегишли ваколатли органлари томонидан мажмуали тарзда олиб бориладиган чора-тадбирлар йиғиндисида. Мамлакат солиқ тизимини хусусиятлари, йўналишлари, қандай солиқларнинг жорий этилиши, улар ўртасидаги нисбатни мувофиқлаштириш каби масалаларни солиқ сиёсати белгилаб беради.

Солиқ сиёсатининг ҳуқуқий асослари Ўзбекистон Республикасининг Конституцияси, Ўзбекистон Республикасининг Солиқ кодекси, «Давлат солиқ хизмати тўғрисида»ги қонуни, ҳукуматнинг бошқа солиққа оид қонун, қарорлари, Президент фармонлари ва бошқа меъёрий ҳужжатлардан ташкил топади.

Ҳозирги пайтда мамлакатимиз солиқ сиёсатининг асоси Президентимиз томонидан ишлаб чиқилган ва муваффақиятли тарзда амалиётда ўз аксини топаётган иқтисодий ривожланишнинг беш тамойилидир. Айнан, ана шу тамойилларга асосланган солиқ сиёсати изчил концепцияли механизм эканлигини таъкидлаш лозим.

Солиқ концепцияси - бу солиқ сиёсатини аниқ илмий асосланган ҳолда амалга ошириш ғоялари яхлитлигидир. Мамлакатимизда солиқ концепцияси Президентимиз Ислом Каримов томонидан чуқур илмий асосда ишлаб чиқилган бозор иқтисодиётига ўтиш концепциясига асосланади. Агар солиқ концепцияси қанчалик чуқур илмий асосга эга бўлса, солиқ сиёсатининг барқарорлиги ҳам шунчалик мустаҳкам таъминланади. Ўз навбатида, солиқ концепцияси солиқлар соҳасидаги чуқур илмий тадқиқот ишлари ҳамда солиқ амалиётида орттирилган бой тажриба уйғунлигига асосланган бўлади.

Шунингдек, солиқ сиёсати барқарорлигини таъминлашда унинг стратегияси ва тактикаси ишлаб чиқилиши лозим. Солиқ концепцияси амалга оширилиши лозим бўлган тадбирлар хусусияти ва муддатини эътиборга олиб, солиқ сиёсати стратегияси ва солиқ сиёсати тактикасига бўлинади.

Солиқ сиёсати стратегиясида муайян, узоқроқ муддатга мўлжалланган солиққа оид иқтисодий муносабатларнинг асосий йўналишлари ва чора-тадбирлари ифодаланади. Бу эса, ўз навбатида, илмий асосланган солиқ концепцияси билан бевосита боғлиқдир. Масалан, мамлакатимизда жамият тараққиётининг асосий стратегияси қилиб эркин, очиқ бозор иқтисодиётга, эркин фуқаролик жамиятга асосланган ҳуқуқий, демократик жамият қуриш белгиланган. Солиқ борасидаги устувор стратегик вазифа эса, давлат бюджети ва хўжалик юритувчи субъектларни солиққа оид иқтисодий муносабатларда муайян уйғунликни таъминловчи солиқ тизимини шакллантириш ва уларни мос равишда такомиллаштириб боришдан иборатдир. Ҳақиқатан ҳам бошқача қилиб айтганда, солиқ сиёсати стратегияси - солиқ

сиёсатининг узок муддатли йўналиши бўлиб, ижтимоий-иқтисодий стратегиясини белгилаб берган кенг қамровли вазифаларнинг келажақда бажарилишини таъминлаш кўзда тутилган молиявий тадбирлар жамламасидир.

Солиқ сиёсати тактикаси эса, белгиланган солиқ сиёсати стратегияси ижросини таъминловчи, тез-тез ўзгарилиб турувчи саъй-ҳаракатларни билдиради, яъни қисқа муддатли ва кичик кўламли молиявий чора-тадбирларни ҳал қилишга қаратилган фаолият мажмуаси сифатида қаралади.

Солиқ сиёсати концепцияси солиқ сиёсати стратегиясига нисбатан, солиқ сиёсати стратегияси эса солиқ сиёсати тактикасига нисбатан барқарор, яъни кам ўзгарувчан бўлиб, уларнинг барчаси бир-бирига боғлиқ ҳолда, бир-бирини тўлдириб туради ҳамда яхлит ҳолда солиқ сиёсатининг мазмун-моҳиятини ташкил қилади.

Солиқ менежменти таркибий жиҳатдан қуйидаги йўналишларда амалга оширилади:

- мамлакат миқёсида амал қилувчи солиқлар ва солиқсиз тўловларни қонуний жорий этиш;

- амал қилаётган солиқларнинг самарали ишлашини таъминловчи механизмни шакллантириш ва такомиллаштириш, солиққа оид қонунлар ва бошқа меъёрий ҳужжатларни такомиллаштириб бориш;

- солиқ сиёсатини амалга оширувчи давлат тегишли ваколатли органларни ташкил этиш ва уларнинг ушбу соҳадаги вазифаларини белгилаш;

- солиққа тортиш тизимини шакллантириш ва такомиллаштиришга қаратилган илмий тадқиқотларни амалга ошириш ва уларни амалиётга жорий этишни ташкил этиш.

4.2. СОЛИҚ МЕНЕЖМЕНТИ ВА УНИНГ ҲУҚУҚИЙ АСОСЛАРИ

Солиқ менежменти давлат ҳокимиятининг барча бўғинлари: Қонун чиқарувчи, Ижро этувчи ва Суд ҳокимиятлари фаолиятларининг ажралмас қисми сифатида мажмуали тарзда амалга оширилади (11-чизма).

Бу ҳокимиятлар томонидан солиқ менежменти қуйидаги тартибда амалга оширилади. Қонун чиқарувчи ҳокимият ҳисобланган Олий Мажлис томонидан солиққа оид ва унга бевосита тегишли бўлган қонунлар қабул қилинади, уларга ўзгартириш ва қўшимчалар киритилади ёки айримлари бекор қилинади. Демак, солиқ сиёсатининг ҳуқуқий негизлари мазкур ҳокимият томонидан қабул қилинади.

Ижро ҳокимияти бўлган Вазирлар Маҳкамаси ва унинг бўлинмалари, Давлат Солиқ қўмитаси, Молия, Адлия, Иқтисодиёт вазирликлари, маҳаллий ҳокимиятлар ва бошқа тегишли органлар Олий Мажлис томонидан қабул қилинган ҳуқуқий меъёрий ҳужжатларнинг ижросини таъминлайди.

Давлат солиқ бошқарувини амалга оширувчи органлар

тузилмаси



Бунда, албатта, ижро ҳокимиятининг бир бўғини ҳисобланган Давлат Солиқ қўмитаси солиқ сиёсати ижросини таъминлашда алоҳида ўринга эга эканлигини қайд этиш лозим. Бундан ташқари, ҳар йилнинг охирида келгуси йил учун амал қиладиган солиқлар ва солиқларга тенглаштирилган мажбурий тўловлар бўйича солиқ ставкаларини тасдиқлаш, ўзгартиришлар киритиш ваколати Вазирлар Маҳкамасига берилган. Солиқ сиёсатини ишлаб чиқиш ва амалга оширишда қонун чиқарувчи ва ижро этувчи ҳокимият бўғинлари билан бирга суд ҳокимиятининг бўғинлари ҳам алоҳида аҳамиятга эга. Суд ҳокимияти томонидан қонуний амал қиладиган солиқлар ва солиқларга тенглаштирилган мажбурий тўловларнинг ўз вақтида бюджетга келиб тушиши устидан назорат ўрнатилиб, солиқ қонунчилиги бузилишларини олдини олишга қаратилган чора-тадбирлар қўлланади.

Солиқ солиш соҳасидаги давлат бошқарувининг самарадорлиги кўп жихатдан давлат аппаратининг турли бўғинлари фаолиятидаги мувофиқлаштирилганликка боғлиқ. Ваколат ҳар бир органнинг ўзига хос

ролини белгилайди ва бир вақтнинг ўзида, унинг бошқа органлар фаолияти билан мувофиқлашувини таъминлайди. Давлатнинг асосий вазифаларидан бирининг хал этилиши, масалан, бюджетни тўлдириш, солиқ тўловчиларнинг иқтисодий ва юридик хатти-ҳаракатларига таъсир этишнинг у ёки бу дастагига эга бўлган барча давлат ҳокимияти органлари фаолиятининг мувофиқлаштирувисиз амалга ошмайди.

Асосий иқтисодий ҳуқуқлар ва солиқ тўловчиларнинг эркинлигини таъминлаш қонун чиқарувчи ва ижро этувчи ҳокимиятнинг доимий назорати остида туради. Президент томонидан уларнинг фаолиятига нисбатан билдириладиган асосий талаблар бевосита солиқ соҳасидаги ишларнинг умумий аҳволи, уни бошқариш, хўжалик юритувчи субъектларнинг тадбиркорлик фаолиятини ривожлантириш ва бошқалар билан белгиланади. Давлат Солиқ қўмитаси ва бошқа солиқлар бўйича бевосита ҳамда билвосита ваколатга эга бўлган органлар ишини мувофиқлаштирган ҳолда ҳокимиятнинг ушбу соҳалари солиқ солиш билан боғлиқ ҳуқуқларни таъминлаш учун юқори даражали жавобгарликни ўз зиммасига олади ҳамда уларнинг манфаатлари йўлида муаммоли вазиятларни олдини олиш мақсадида ўзаро ҳамкорликнинг барча жиҳатларини мукаммал тартибга солади.

Қонун чиқарувчи орган (Олий Мажлис) Конституциянинг 78-моддаси 8-банди ва «Ўзбекистон Республикасининг Олий Мажлиси тўғрисида»ги қонуннинг 4-моддасига асосан ҳукуматнинг тақдимига мувофиқ солиқлар ва бошқа мажбурий тўловларни белгилайди. Давлат Солиқ қўмитасининг ваколатига кирувчи масалалар бўйича қонунчиликни қўллаш амалиётини умумлаштириш асосида солиқ қонунчилигини такомиллаштиришга доир таклифларни ишлаб чиқиш ва уларни ҳукуматга киритиш ҳуқуқи, унинг Олий Мажлис билан ўзаро муносабатлари ҳукумат иштироки билан қурилишига яққол мисол бўла олади. Маълумки, Вазирлар Маҳкамаси Давлат Солиқ қўмитасига нисбатан ваколатлари бўйича раҳбар орган ҳисобланади. Солиқ қонунчилигини қўллаш амалиётини доимий

равишда умумлаштириш, давлат ҳокимияти ва бошқарувининг юқори органларини мазкур соҳанинг хусусиятли жараёнлари ҳақида мунтазам хабардор қилиб бориши лозим.

Солиқ органлари ва маҳаллий ҳокимият органлари ўртасида юзага келадиган муносабатларга нисбатан ўзаро ҳамкорлик мамлакатда олиб бориладиган ягона солиқ сиёсатини юритиш, солиқлар ва солиқларга тенглаштирилган бошқа мажбурий тўловларнинг ҳудудлар бюджетига келиб тушишини таъминлаш бўйича вазифаларнинг бажарилиши натижаларини таҳлил қилишда иштироқи орқали намоён бўлади.

Шу ўринда, маҳаллий ҳокимият органларининг солиқлар бўйича ваколатларига қисқача тўхталиб ўтиш ўринлидир. Маҳаллий ҳокимият органлари мамлакатимиз солиқ қонунчилигига мувофиқ бир қанча ваколатларга эга бўлиб, уларнинг ўз ҳудудида жойлашган солиқ тўловчиларга маҳаллий солиқлар ва йиғимлар бўйича қўшимча солиқ имтиёзларини, шунингдек, солиқ ставкалари миқдорини Вазирлар Маҳкамаси томонидан белгилаб қўйилган энг юқори ставкалар доирасида белгилаш каби ваколатларини санаб ўтишимиз мумкин.

Хулоса қилиб айтишимиз мумкинки, давлат солиқ бошқаруви давлатнинг махсус ваколатли органлари томонидан амалга оширилади. Солиқлар бўйича ҳар бир ҳокимият органи махсус ваколатларга эга бўлиб, уларнинг ҳар бири ўз фаолиятларини самарали олиб боришда улардан фойдаланади. Бунда, ваколатли органлар сифатида, барча ҳокимият органлари, жумладан, қонун чиқарувчи, ижро этувчи ва суд ҳокимиятлари биргаликда фаолият кўрсатади.


Давлат солиқ бошқарувида етакчилик Давлат Солиқ қўмитасига берилган бўлиб, унинг қуйи бўлимлари нисбатан мустақил бўлсада, иерархияли бўйсиниш тартиботида фаолият юритади. Давлат солиқ сиёсатини амалга оширишнинг марказий субъекти - Ўзбекистон солиқ хизмати солиқ қонунчилигининг бажарилишини таъминлайдиган органлар тизимидан ташкил топган.

Унинг асосий вазифаси солиқлар, йиғимлар ва бошқа мажбурий тўловларнинг тўлиқ, тўғри ва ўз вақтида бюджетга тушишини таъминлаш ҳисобланади. Ушбу муҳим вазифасини бажариш:

- солиқ солиш субъектлари ва объектларини тўлиқ, аниқ ҳамда ўз вақтида ҳисобга олишни таъминлаш;
- солиқ тўловчиларга солиқлар, йиғимлар ва бошқа мажбурий тўловларни ҳисоблашда ёрдам кўрсатиш;
- назорат фаолиятини амалга ошириш асосида таъминланади.

Давлат солиқ органлари тизими кўп даражали поғона тарзидаги ташкилот тамойили бўйича барпо этилган: республика, вилоят ва туман даражаларини ўз ичига олган ягона марказлаштирилган тизимдан иборат (12-чизма).

**Ўзбекистон Республикаси Давлат солиқ хизмати тизими
тузилмаси**




4.3. СОЛИҚ МЕНЕЖМЕНТИДА МУВОФИҚЛАШТИРИШ ОМИЛИ

Мувофиқлаштириш - бошқариш жараёнининг энг марказий функциясидир. Унга кўра солиқ менежментининг барқарорлиги ва узлуксизлиги таъминланади. Солиқ менежментининг мувофиқлаштириш функцияси, унинг бошқа функциялари билан ўзаро алоқадорлиги мажмуали ҳисобланади (13-чизма).

13-чизма.

Солиқ менежменти функцияларининг ўзаро алоқадорлиги



Мувофиқлаштиришнинг асосий вазифаси – солиқ менежментининг ўзаро бирлиги негизда киришувчанлик алоқаларини таъминлашга қаратилгандир. Мазкур алоқалар мувофиқлаштирув жараёнига кўра хилма-хил бўлиши мумкин, яъни:

- ҳисоботлар;
- йиғилишлар;
- мулоқот - суҳбатлар;
- телекс - телефакс;
- товарлар картотекаси;
- компьютер алоқалари;
- ахборотлар банкини яратиш - орқали тағтизилмалар ўртасида ўзаро


биргаликдаги фаолиятни мувофиқлаштириш амалга оширилади.

Солиқ менежменти даражасини белгиловчи технологик юксак ва самарали тамойиллар асосида қурилган ўзаро алоқалар жараёни, биринчи навбатда, кенг қамровлилиги билан ажралиб туради.

Масалан: маълумотлар билан алмашинув жараёнининг энг оддий моделини кўриб чиқайлик (14-чизма).

14-чизма.

Маълумотлар билан алмашинув жараёнининг энг оддий модели



Мазкур жараёндаги, навбатдаги яна икки йўналишни аниқ ўзлаштириб олиш ўта муҳимдир. (Қайта алоқалар ва унга ҳалақит берувчи тўсиқлар). Бу жараёнда юқоридаги моделнинг янада мукаммаллаштирилиши кузатилади. Бунда маълумотлар алмашинуви жараёни кетма-кетликда кечади (15-чизма).

15-чизма.

Маълумотлар алмасуви жараёни - тескари алоқалар тизилмаси сифатида



Мазкур йўсиндаги алоқалар алмашинувини йўлга қўйиш жараёнида солиқ менежментида ишончли, сифатли ва фойдали маълумотлар базасига эга бўлиш имконияти яратилди.

Навбатдаги вазифа, оддий маълумотлар алмашинувидан мураккаб тизим сари ўтиш ҳисобланади.

Маълумотлар алмашинувининг мураккаб тизими уни:

- қайта ишлаш;
- таҳлил этиш;
- олинган ҳисоботларни яна қайта ишлаш жараёнидир.

Солиқ менежерининг ташкилий фаолиятни мувофиқлаштиришга қаратилган ҳаракати бир томондан, маълумотларни қандай сақланаётганлиги, фойдаланилаётганлигига, иккинчи томондан, улар билан ишлашнинг автоматлаштириш даражасига боғлиқ бўлади. Бунда ахборотлар тартиби йўриқномаси (ахборотлар банки) яратилади. Замонавий компьютерларни ишлатиш солиқ менежери билимининг юқори бўлиши, маълумотлардан тўла ва самарали фойдаланишга ёрдам беради.

Солиқ менежментида ахборотлар (маълумотлар) тизими (банки) объект-субъект ўртасидаги алоқаларга дахлдор бўлиб, улар солиқ муносабатларини:

- бошқаришини мувофиқлаштириш;
- бошқарув жараёнини мукамаллаштириш;
- солиқларни такомиллаштириш;
- солиқларни ҳисоблаш ва тўлашни назорат қилиш каби жараёнларда кенг фойдаланилади.

Режалаштириш солиқ менежментининг стратегияси ҳисобланса, мувофиқлаштириш унинг тактик масалаларини ҳал қилиб беради. Бу функциянинг асосий вазифаси оқилона алоқалар ўрнатиш йўли билан солиқ менежменти тизимининг турли қисмлари ўртасидаги ўзаро алоқадорликни мувофиқлаштиришни таъминлашдир.

Мувофиқлаштириш маблағларни тежаш мақсадида солиқ менежментидаги бир-бирини такрорлашни бартараф қилиш имконини беради. Бундан ташқари, у таркибий бўлинмалар ўртасида ресурсларни тақсимлаш йўли билан бошқарув жараёнларини амалга оширишни мақсад қилиб кўяди. Унинг ёрдами билан вужудга келиш эҳтимоли бўлган мақсаддан «оғиш»ларнинг олди олинади.

Бу функциянинг мақсади «тутиб олиш», «айбини очиш», «илинтириш» эмас, балки менежмент объектида содир бўлаётган жараёнларни ҳисобга олиш, текшириш, таҳлил қилиш ва маълум тартибда шу объект фаолиятини ўз вақтида созлаб туриш ҳисобланади.

Моделлаштириш орқали солиқ менежментида кутилмаган ҳолларнинг таъсирини ўзида акс эттирган моделни ишлаб чиқиш мумкин (16-чизма) бўлади. Бундай модел солиқ менежерига, айнан, солиқ муносабатларини бошқаришга таъсир этувчи омилларни муваффақиятли ҳал этиш чора-тадбирларини ишлаб чиқиш имконини беради.

Умуман, солиқ муносабатларини бошқаришга таъсир этувчи ички ва ташқи омилларни тизимли ёндашув орқали ўрганиш талаб этилади. Бунда назарий билимларни мажмуали равишда ўрганиш ҳамда улардан амалиётда моҳирона фойдалана олиш тақозо этилади.

Мери Перкер Фоллетт 1920 йилда “шароит қонуни” ҳақида ёзиб, у «хилма-хил шароитлар хилма-хил билимларни тақозо этади. Бир шароит учун муваффақиятли қўлланилган билимнинг эгаси, агар менежерлик илмини пухта эгаллаганман деб ўйласа, у бир соатлик халифага ўхшайди», – деб таъкидлаган эди.

Солиқ менежменти жараёни – функционал жараёндир, У мунтазам янги ғояларни яратиш ва амалга ошириш, эскисини такомиллаштириб боришни талаб қилади. Шунга кўра, вазиятни моделлаштириш орқали солиқ менежменти муваффақиятга эриша олади. Бунда:

- солиқ органлари фаолиятида юқори самарадорлик таъминланади;
- солиқ органлари ҳолатининг барқарорлигига эришилади;

- солиқ органлари истиқболнинг янги йўналишлари, фаолиятининг янги турлари яратилади.

- солиқ сиёсатини пухта ишлаб чиқиш имконияти пайдо бўлади ва бошқалар.

Солиқ менежментида вазиятни моделлаштириш орқали (17-чизма) менежерлик фаолиятни мувофиқлаштиришни йўлга қўйиш мумкин. Бу эса, солиқ органи фаолиятида юқори самарага эришиш йўлидир.

4.4. СОЛИҚ МЕНЕЖМЕНТИДА ҚАРОРЛАР БАЖАРИЛИШНИ ТАЪМИНЛАШДА КЎНИКМАЛАРНИ ШАКЛЛАНТИРИШ

Доимий такрорланиб турадиган амалий фаолият негизида кўникма ҳосил бўлади.


Кўникма - фаолият субъектининг ўз билим ва малакалари доирасидаги мақсадга мувофиқ бажарилиши учун зарурий ҳаракатларнинг мураккаб тизилмаси ҳисобланади.

Солиқ менежментида кўникмани шакллантириш:

- вазифа билан боғлиқ билимни танлаш;
- вазифанинг муҳим хусусиятларини ажратиш;
- вазифанинг бажарилишига имкон берадиган ўзгаришларни аниқлаш

ва амалга ошириш;

Солиқ менежментда турли ҳолатлар таъсирини ўзида акс эттирувчи модель



• мазкур ўзгаришларнинг натижаларини қўйилган мақсадга кўра тўғрилаб бориш ва шулар каби қатор жараёнларни ўз ичига олади.

17-чизма.

Солиқ менежментида қўлланиладиган моделлар ва уларнинг таснифи

№	Моделнинг номи	Қисқача тавсифи
1	2	3
1.	Кўргазмали модель	Вазиятни иллюстратив изоҳлаш йўли билан унга баҳо бериш.
2.	Таҳлил модели	Аналитик йўл билан, яъни шартли чизиқлар, таснифлар, тавсиялар орқали вазият таққосланади. Шу модел орқали муносабатлардаги ижтимоий - психологик ҳолатга ташҳис қўйиш мумкин.
3.	Вазият орқали тартибланиш модели	Солиқ муносабатларида мулоқотга тортилган субъект, масалани, муаммони ҳал этишга жалб этилади. Муомала жараёнида унинг билими, касбий кўникмалари ортади.
4.	Ўйинлар модели	Асосий мақсад: қандай қилиб солиқлар тўғри ва аниқ ҳисобланиши тўланишини таъминлаш мумкин? деган саволга қаратилади. Бу жараёнда ягона мақсад атрофидаги бирлик шаклланади.
5.	Иқтисодий зарар кўрмаслик тамойиллари модели	Технология, ўзини-ўзи маблағ билан таъминлаш, ижтимоий жараёнларни ўзаро алоқадорлик ва боғлиқликда ўрганиш заруриятини, солиқ менежменти самарадорлигига тўғри баҳо бериш орқали самарали менежерлик йўл-йўриқлари ишлаб чиқилади.

Солиқ менежментида кўникмаларга ўргатиш менежернинг ҳолатидан келиб чиққан ҳолда, турли йўллар билан амалга оширилади. Бунда қуйидаги икки йўлни алоҳида ажратиш кўрсатиш мумкин:

биринчи йўлда: зарурий билимлар эгаси бўлган менежер учун навбатдаги вазифа келиб чиққан ҳолда улардан мақсадга мувофиқ равишда фойдалана билиш, тегишли мўлжални олиш, уларга кўра - ахборотни қайта

ишлаш воситалари ва фаолият усуллари кўллаш кабилар орқали тўғри ечимни топишга ҳаракат қилинади;

иккинчи йўлда, кўникмаларни шакллантириш жараёнида менежернинг ўз билимларини кўллаши учун зарур бўлган рухий ҳолатини бошқаради. Бу ҳолатда менежер қўйилган вазифаларни бажариш учун ахборотларни қайта ишлаш ва улардан самарали фойдаланиш бўйича менежерлар гуруҳи фаолиятларини уюштириб, мақсад сари мўлжалларни янада аниқлаштиради.

Шу тариқа, солиқ менежментида солиқ муносабатларини оптималлаштириш юзасидан биргаликдаги фаолиятида кўникмаларни шакллантириш механизми қарор топади. Бундай механизмнинг қарор топиши ва тўлиқ ишлаши солиқ менежментида солиқларни тўғри ва аниқ ҳисоблаш ҳамда тўлаш жараёнини янада мукамал бўлишини таъминлайди.

Мавзу бўйича хулосалар:

- умумдавлат бошқарув тизимида солиқ менежментининг ўрни баҳоланди ва унинг вазифалари кўрсатиб берилди;
- солиқ менежменти ва унинг субъектлари атрофлича ёритилди;
- солиқ менежментини ташкил этишда Давлат Солиқ хизмати ва унинг асосий вазифалари баён этилди.

Мавзунинг таянч иборалари:

солиқ тактикаси, солиқ стратегияси, солиқ концепцияси, солиқ сиёсати, солиқ менежери субъекти, қонун чиқарувчи, ижро ва суд ҳокимияти, маҳаллий ҳокимият, ваколат, солиқ хизмати, солиқ органи

Ўз-ўзини назорат қилиш учун саволлар:

1. Солиқ менежментининг ташкилий асослари.
2. Солиқ менежменти ва унинг ваколатлари.
3. Солиқ менежментида қонун чиқарувчи ҳокимиятнинг ўрни.
4. Ижро этувчи ҳокимиятнинг солиқ бошқарувидаги иштироки.
5. Давлат солиқ хизмати ва унинг асосий вазифалари.

Фойдаланилган адабиётлар:

1, 2, 3, 5, 8, 9, 13, 16, 20, 25, 31, 32, 43, 44, 47, 48, 49, 50

V боб. ТАДБИРКОРЛИК СУБЪЕКТЛАРИНИНГ СОЛИҚ МУНОСАБАТЛАРИНИ БОШҚАРИШ

5.1. СОЛИҚ МЕНЕЖМЕНТИ ВА СОЛИҚЛАРНИ ҲИСОБЛАШНИНГ ЎЗARO АЛОҚАДОРЛИГИ

Солиқ менежменти кўлами ва таснифига кўра аниқ бир иқтисодиёт субъектига солиқларни ҳисоблаш ва тўлаш борасида зиммасига юклатилган ўз мажбуриятларининг бажариши юзасидан давлатнинг солиқ муносабатларини ўзида ифодалайди. Шу ўринда қайд этиш керакки, иқтисодиёт субъектларининг молиявий оқимларида солиқ тўловлари сезиларли улушни ташкил этади. Бозор муносабатлари ривожланиши, тадбиркорлик даражасининг сифат ва сон жиҳатдан ўсиш даврида солиқ юки масаласи субъектлар фаолиятида муҳим аҳамиятга эга бўлиб бормоқда.

Иқтисодиёт субъектлари томонидан солиқ мажбуриятларини бажариш юзасидан асосли ва тўғри қарорлар қабул қилиниши охири-оқибатда уларнинг молиявий аҳволига бевосита таъсир этувчи омил саналади. Солиқлар бўйича бюджет билан ҳисоб - китоблардаги ҳар қандай хатоликнинг ҳисобга олинмаганлиги катта молиявий йўқотишларга олиб келиши мумкин.

Шу ўринда субъектнинг ўз солиқ мажбуриятини максимал камайтириш, минималлаштиришга бўлган легал усуллар ва йўлларга асосланган саъй-ҳаракати меъёрий ҳолат эканлигини таъкидлаш лозим.

Юқорида баён этилган ҳолат иқтисодиёт субъектларида солиқлар ва солиққа тортиш борасида ўзига хос бошқарувнинг жорий этилишини тақозо этади.

Амалдаги молиявий фаолият таркибида солиқларни ҳисоблаш ва тўлаш масаласи айни вақтда ички солиқ режалаштирилишини, таҳлил, ҳисоб ва назорат билан боғлиқ бўлган вазифаларни келтириб чиқармоқда.

Субъектларда солиқларни ҳисоблаш ва тўлаш юзасидан асосли, тўғри қарорларни қабул қилиниши уларнинг яқуний молиявий натижалари ҳамда фаолияти самарасини белгиловчи омилга айланмоқда.

Юқорида билдирилган фикр-мулоҳазалар шуни кўрсатмоқдаки, умумдавлат ҳамда алоҳида олинган иқтисодиёт субъекти мисолида солиқ бошқаруви айнан бир бутун солиққа тортиш жараёни билан боғлиқ бўлган ижтимоий-сиёсий ҳодисадир. Аммо, бизнинг назаримизга кўра уларнинг ўзаро боғлиқ ҳодиса эканлигини таъкидлаган ҳолда қайд этиш лозимки, мақсадлар моҳияти ва белгиланган вазифаларга кўра солиқ субъектлари ўзаро муносабатлари ўртасида маълум қарама-қаршиликлар мавжудлиги намоён бўлади.

Жамиятда солиқлар ва солиққа тортишни бошқарув жараёни ўзаро таъсирга эга бўлган йўналишлар эканлигини қайд этган ҳолда, ўз кўламига кўра умумдавлат миқёсида солиқларни бошқариш давлат манфаатларига хизмат қилишга қаратилганлиги, алоҳида олинган иқтисодиёт субъекти мисолида эса, айнан унинг манфаатларини ўзида акс эттирганлигини кўраимиз. Шу нуқтаи назардан иқтисодиёт субъектлари учун давлат томонидан белгилаб берилаётган солиқ юки бўйича манфаатлар ўзаро мос эмаслигини таъкидлаб ўтиш лозим. Давлат ва алоҳида олинган иқтисодиёт субъекти ўзаро боғлиқ бўлган фаолиятини тўғри ва самарали ташкил этиш солиқ қонунчилигига кўра аниқланган ва белгилаб қўйилган. Хусусан, солиқ кодексининг меъёрий талаблари давлат ҳамда алоҳида иқтисодиёт субъекти томонидан сўзсиз бажарилиши, манфаатларнинг ўзаро мувофиқ келиши, муносабатларнинг очиқлиги солиқ тизимининг демократик ижтимоий йўналишга эга эканлиги ва самарадорлигини ошириш учун шарт-шароит яратади.

5.2. СОЛИҚ МЕНЕЖМЕНТИ ИНТЕГРАЛЛАШГАН РИВОЖЛАНИБ БОРУВЧИ МУНОСАБАТ СИФАТИДА

Солиқ менежменти интеграллашган, ривожланиб борувчи муносабатлар сифатида кейинги йиллардаги солиқ муносабатларини бошқариш жараёнида янада фаол таъсирга эга бўлиб, унинг муҳим таркибий қисмига айланмоқда. Шу ўринда таъкидлаш лозимки, солиқ менежментининг умумий инфратузилмаси таркибидаги аудиторлик, консалтинг, шунингдек эркин маслаҳатчи фирмалар солиқ тўловчиларга солиқ ҳисоб-китобларини амалга ошириш, уларнинг молиявий бошқаруви ҳамда солиқ органлари билан ўзаро муносабатлар юзасидан хизмат кўрсатмоқда. Дунёнинг барча ривожланган давлатларида солиқ тўловлари бўйича маслаҳатлар бериш тақчил ва қиммат фаолият ҳисобланади.

Ўзбекистонда бугунги кунда солиқ маслаҳатчиларига бўлган эҳтиёж сезиларли ортиб бораётган ва умумтан олинаётган касбий фаолият жабҳаси сифатида ўзининг шаклланиш даврини бошдан кечирмоқда. Солиқлар бўйича маслаҳат бериш мураккаб жараён бўлиб, у ташкилий-ҳуқуқий, услубий-этик, психологик ва маънавий масалаларда юқори даражадаги билимдонлик ва кўникмаларни талаб этади.

Солиқ маслаҳатини самарали ташкил этиш солиқлар ва солиққа тортиш тизимини кадрлар билан таъминлаш масаласини келтириб чиқаради.

Мавзу бўйича хулосалар:

- солиқ муносабатлари ва уларни амалга оширишда субъектларнинг масъулияти ўрганилди;
- корпоратив солиқ менежментини ташкил этиш асослари атрофлича ёритилди;
- солиқ менежментини ташкил этишда солиқ маслаҳатининг ўрнига баҳо берилди.

Мавзунинг таянч иборалари:

иқтисодиёт субъекти, тадбирколик фаолияти, солиқ кўлами, солиқ мажбурияти, солиқ ҳисоб-китоблари, солиқ оқимлари, солиқ юки, солиқ маслаҳати, аудит, солиқ менежменти инфратузилмаси, солиқ тизими самарадорлиги

Ўз-ўзини назорат қилиш учун саволлар:

1. Иқтисодиёт субъектлари фаолиятида корпоратив солиқ менежментининг аҳамияти.
2. Солиқ муносабатларини бошқаришнинг микродаражаси ва уни ташкил этиш.
3. Иқтисодиёт субъектлари фаолиятида солиқ менежментини ташкил этишга кўмаклашувчи инфратузилманинг роли.
4. Ривожланган мамлакатларда солиқ менежментининг корпоратив бошқарувдаги ўрни ва роли.
5. Ўзбекистонда солиқ маслаҳатини йўлга қўйиш масаласи.

Фойдаланилган адабиётлар:

2, 3, 11, 16, 20, 21, 29, 31, 32, 34, 35, 44, 48, 49, 50

VI боб. ИҚТИСОДИЁТНИ ЭРКИНЛАШТИРИШДА СОЛИҚ БОШҚАРУВИНИ ТАКОМИЛЛАШТИРИШ

6.1. СОЛИҚ ТИЗИМИНИ БОШҚАРИШНИНГ НАЗАРИЙ- УСЛУБИЙ ЖИҲАТЛАРИ

Иқтисодиётни эркинлаштириш шароитида солиқ тизimini бошқаришнинг назарий-услубий ва амалий жабҳаларини тадқиқ этиш эътиборталаб жабҳа бўлиб қолмоқда.

Солиққа тортишнинг назарий асосларидан келиб чиқиб, солиқ сиёсатини амалга ошириш бу борада оптимал вариантни танлаб олишни талаб этади. Хусусан, солиқ механизми фаолиятига таъсир кўрсатувчи омилларни ҳисобга олиш лозим бўлади. Улар жумласига: мамлакатдаги ўсиш суръатлари ёки ишлаб чиқариш пасайиши билан характерланувчи, умумий иқтисодий вазият; инфляция даражаси; давлатнинг пул-кредит сиёсати; иқтисодиёт тармоқларининг таркибий ўзгаришлари динамикаси каби омиллар киради.

Бунда, умумий иқтисодий вазият, хусусан, хўжалик тизимининг ўзига хос хусусиятлари билан белгиланади.

Мамлакатимизни ривожлантириш «Ўзбек модели»да ифодаланган беш тамойил асосида амалга оширилмоқда.¹ Ушбу тамойиллар - иқтисодиётнинг сиёсатга нисбатан устуворлиги, давлат ижтимоий-иқтисодий ўзгаришларни амалга оширишда бош ислоҳотчи эканлиги, қонун устуворлиги ва қонунга бўйсунувчанлик, аҳолини ижтимоий ҳимоя қилиш бўйича таъсирчан чора-тадбирларни амалга ошириш, бозор иқтисодиётига асосланган ўзгаришларни амалга оширишда босқичма-босқичликка асосланиш кабилардир.

¹ Қаранг: Каримов И.А. Ўзбекистон - бозор муносабатларига ўтишнинг ўзига хос йўли//Ўзбекистон: миллий истиқлол, иқтисод, сиёсат, мафкура. Т-1.:Ўзбекистон, 1996. 300-301б.

«Ўзбек модели»ни амалга оширишнинг ҳозирги босқичи иқтисодий янада эркинлаштириш заруряти ва имкониятлари билан узвий боғлиқдир.

Бунда иқтисодий эркинлаштириш алоҳида ўрин эгаллайди. Унинг муайян шакллари қуйидагилардан иборат:

- биринчидан, мулкчилик масаласини тубдан ҳал этилиши асосида мулкдорлар синфининг шаклланишидир, яъни, ислоҳотлар жараёнини амалга оширишнинг бош мақсадини узил-кесил ҳал этиш зарурдир;

- иккинчидан, иқтисодий эркинлаштириш рақобат муҳитини шаклланиши билан узлуксиз боғлиқдир. Рақобат муҳитисиз энг замонавий бозор иқтисодиёти ҳам самарали фаолият кўрсата олмайди. Монополияга қарши чора-тадбирлар мажмуи шунга олиб келиши лозимки, ишлаб чиқарувчилар нархларни шакллантиришларида бозор механизми воситасида истеъмолчилар талабларига мўлжал олишларига эришиш лозим бўлади;

- учинчидан, иқтисодий эркинлаштириш бозор инфратузилмасини ривожлантириш билан узвий боғланган бўлиб, у тадбиркорларга хизмат кўрсатиш, уларнинг роли ва ўрнини мустаҳкамлаш, шунингдек, иқтисодий янада эркинлаштиришга қаратилгандир;

- тўртинчидан, ҳозирги шароитда бирмунча марказлашган, ташқи иқтисодий фаолиятни ташкил этиш тизимини мамлакатда амалга оширилаётган туб ўзгаришларга мувофиқлаштириш, унинг ўзаро манфаатли бўлган шаклларига ўтиш жараёнини жадаллаштириш зарурдир. Шу билан бирга мамлакатимиз иқтисодиётига хорижий капитални фаол жалб этиш учун ҳуқуқий-иқтисодий шарт-шароитни янада такомиллаштириш орқали иқтисодий таркибий тузилиши, хусусийлаштириш ва мулкни давлат тасарруфидан чиқариш жараёнларида хорижий инвесторларнинг фаол иштирок этиши, яратилаётган маҳсулотларнинг халқаро бозорда рақобатбардошлигини ошириш ишига хизмат қилувчи омилларнинг родини ошириш зарур;

- бешинчидан, валюта бозорини эркинлаштириш ва сўмни тўла эркин конвертация қилиш тўғрисидаги масалани изчил ҳал этиш бўйича муайян вазифа бажарилиши таъминланмоқда. Бундай шароитларда тижорат банкларининг узоқ муддатли инвестиция лойиҳаларига мос бўлган капитал жалб этилишини таъминлаш борасида объектив равишда манфаатлари ошди. Бу эса, мамлакатимиз иқтисодиётида нодавлат тармоқ самарадорлиги барқарор ўсишини таъминлашнинг асосига айланмоқда;

- олтинчидан, хорижий инвестицияни жалб этиш бўйича рағбатлантириш механизмини мустаҳкамлаш, берилган таъсирчан қафолат ва имтиёзларнинг самарали амалга оширилишини таъминловчи фаолиятни йўлга қўйиш саъй-ҳаракатларини давом эттириш зарур. Бундай саъй - ҳаракатларни амалга оширилиши оқибатида мамлакатимизда ўз бизнесига эга бўлишни ҳоҳловчи инвесторлар учун қулай шарт-шароит таъминланади;

- еттинчидан, иқтисодиётни эркинлаштиришнинг пировард мақсади албатта, энг аввало, давлатнинг турли назорат органлари томонидан иқтисодиёт субъектлари фаолиятига аралашувини чеклаш билан боғлиқдир. Таъкидлаш лозимки, иқтисодиётни янада эркинлаштириш жараёни субъектларнинг ўз фаолият натижалари учун иқтисодий-молиявий жавобгарликларини оширишни ҳам тақозо этади.

Иқтисодий эркинлаштириш жараёнида кичик бизнес ва тадбиркорлик ялпи ички маҳсулот шаклланишида ҳал этувчи бўғин сифатида бандлик ҳамда мамлакатда миллий фаровонликни таъминлашнинг муҳим омилига айланади¹.

Шу ўринда таъкидлаш лозимки, мамлакатимиз иқтисодиётини янада эркинлаштиришга қаратилган саъй-ҳаракатлар мажмуаси тўғридан-тўғри ёки бевосита солиққа тортиш жараёнлари билан ҳам боғлиқдир. Шу нуқтаи

¹ Қаранг: Каримов И.А. Наша высшая цель – независимость, процветание Родины, свобода, благополучие народа. Доклад на первой сессии Олий Мажлиса Республики Узбекистан Второго созыва 22 января 2000 г. –Т «Ўзбекистон», 2000; Каримов И.А. Утверждение духа предпринимательство в обществе залог прогресса: Выступление на заседании Кабинета Министров по итогам первого полугодия 2001 года//Народное слово №140 от 18.07.01

назардан самарали солиқ сиёсатини амалга ошириш - мазкур эркинлаштириш жараёнининг зарурий омили ҳисобланади.

Албатта, биринчи навбатда, иқтисодий ривожланишнинг таркибий ўзгаришлари субъектларнинг инвестицияга оид қарорларни қабул қилишлари ҳамда ушбу қарорларда самарадордик мезонлари қандай белгиланганлиги таъсирида бўлсада, биз юқорида таъкидлаганимиздек, бу жараён солиқ механизми фаолияти билан ҳам тўғридан тўғри боғлиқдир, айнан солиқ тизимини ривожлантириш аҳамиятли омил ҳисобланади.

Бугуннинг муҳим вазифаси - ислоҳотларни сифат жиҳатидан янги босқичга кўтаришдир. Бунинг учун мамлакатимизда ижтимоий ривожланишнинг муҳим

устуворликлари белгиланган.²

Хусусан, устувор йўналишлардан бири - бу бозор ислоҳотларини янада чуқурлаштириш ва унинг инфратузилмасини шакллантириш, барқарор, мувозанатлашган иқтисодиётни яратиш учун муҳим шарт-шароит сифатида эркин иқтисодиёт тамойилларини амалга оширишдир.

Бунда, кичик бизнес ва тадбиркорликни жадал ривожлантириш, уларнинг мамлакат ялпи ички маҳсулотини яратишда етакчи ўрин эгаллашини таъминлаш, шунингдек, у фуқаролар даромадларининг асосий манбаига ва мулкдорлар синфини шакллантиришнинг асосига айланиши лозим.

Айни вақтда хорижий, биринчи навбатда, хусусий инвестицияларни жалб этиш учун зарурий инвестицион иқлимни яратиш ва иқтисодиётда чуқур таркибий ўзгаришларни таъминлаш орқали ишлаб чиқаришни янгилаш, экспорт салоҳиятини ошириш ва импорт алмашинувини йўлга қўйиш учун кафолатлар тизимини яратиш назарда тутилади. Ички ва ташқи инвестициялар, аввало, иқтисодиётнинг устувор соҳаларига

² Қаранг: Каримов И.. Биз танлаган йўл-демократик тараққиёт ва маърифий дунё билан ҳамкорлик йўли. – Т.: Ўзбекистон, 2003. 3-52 б.

йўналтирилиши, валюта захиралари иқтисодий барқарор ўсиш учун сафарбар этилиши лозим.

Мазмун-моҳият жиҳатидан бу саъй-ҳаракатлар солиқ тизимини такомиллаштиришнинг стратегик асосини ташкил этади.

Иқтисодий эркинлашувни таъминлаш нуқтаи - назардан, солиққа тортишнинг энг маъқул даражаси юридик ва жисмоний шахсларга шундай жами солиқ юқини тақозо қиладики, бунда солиқлар тадбиркорлик ва инвестиция фаолиятлари, шунингдек, аҳоли турмуш даражасига салбий таъсирга эга бўлмасдан, балки аксинча, айни вақтда бюджет тушумларининг зарурий ҳажмини ҳам таъминлаш омилига айланади.

Иқтисодий ривожланиш жараёнида, мутахассислар макроиқтисодий даражадаги солиқлар пасайишида инвестиция самарасини баҳолашга уриниб кўрдилар¹. Бу ҳол аралаш иқтисодиётда маълум вақт оралиғида самарали қўлланилиши мумкинлигини амалий тажриба кўрсатмоқда.

Орттирилган амалий тажрибага асосланиб, мазкур ҳолатни формал таҳлил этадиган бўлсак, очиқ иқтисодиётдаги миллий ҳисобларнинг айнанлигига мурожаат қилиш асослидир. Мантиқийликка риоя қилган ҳолда ЯИМ реал ҳажмини уй хўжаликлари истеъмоли, ички инвестициялар, ҳукумат харидлари, экспорт ва импорт, хусусий тармоқда солиқлар тўлангандан кейинги қолган даромадлар бюджетга солиқ тушумларини характерлайди.

Хусусий сектордаги ҳақиқий жамғармалар, давлат секторидаги ҳақиқий жамғармалар, экспортнинг импортга нисбатан реал ошиши, яъни чегарадан ташқарида айирбошлаш натижасида соф экспортдан олинadиган сумма аниқланади.

Бунда шундай хулоса қилиш мумкинки, инвестициялар

ички жамғармаларнинг маълум қисмини ташкил этиб, соф экспортдан тушумлар чиқариб ташланади.

¹ Қаранг: Дагаев А. Приведет ли снижение налогов к увеличению инвестиций?//Мировая экономика и международные отношения, 1, 2001 –с.65-68

Бироқ, ҳақиқатда яна иккита турли йўналишдаги капитал маблағлар ҳаракат оқими ички инвестициялар ҳажмига сезиларли таъсир кўрсатади: соф чиқиб кетиш, капиталнинг чегарадан чиқиб кетиши, соф оқиб келиш ва реал активларни сотиб олиниши билан боғлиқ.

Агарда давлат ва хусусий сектордаги жамғармаларнинг жами суммаси (соф экспорт тушумларидан ташқари) мамлакатга хорижий капиталнинг оқиб келиши ҳамда оқиб чиқиб кетишига нисбатан ортиб борганда иқтисодиётда реал инвестициялар аҳамиятли ўринга эга бўлади.

Хусусий сектордаги инвестициялар, жамғармалар, солиқ тушумлари ва солиққа тортиш умумий даражаси капитал оқиб чиқишини ўзаро боғлиқлигини ифодалайди ва бу узлуксиз жараёндир, давлат сарф-харажатлари ва ташқи иқтисодий фаолият субъектларининг амалдаги соф экспорти учун тўлов тушумлари, мамлакатдаги солиққа тортиш даражасига боғлиқ эмас.

Даромадни солиққа тортиш даражаси қандайлиги иқтисодиётга инвестицияларни максималлаштириш имконини беради.

Солиққа тортиш ставкасининг ўсиши хусусий сектордаги жамғармалар камайишига олиб келувчи омил саналади. Худди шунингдек, чет эл инвестициялари ҳам солиққа тортиш ўсиши билан камаяди ёки энг қулай бўлган ҳолда унга боғлиқ бўлмайди.

Капиталнинг чиқиб кетиши кўпроқ даражада айнан солиқлар ўсиши оқибатида юзага келади.

Бюджетга солиқлар тушуми ставкалар ўсиши билан муайян чегарагача ошади, кейин эса, камая бошлайди. Бюджетга солиқлар тушуми ўсиши солиққа тортиш даражаси ўзгаришига кўра тавсифланади.

Инвестицияларнинг максимал даражасидаги солиққа тортиш ставкаси солиқларнинг максимал даражадаги тушумини таъминлайди.

Шундай қилиб, солиқ сиёсатини амалга оширишда устуворликни танлаш (бюджетнинг максимал тўлдирилиши ёки инвестицияларнинг максимал даражаси) лозим бўлади.

Ўзбекистонда ислохотларнинг ҳозирги босқичида устуворликни эркинлаштиришга бериш мақсадга мувофиқдир, хусусий тармоқда инвестицияларни максималлаштириш шароитида бюджет тўлдирувчанлиги қисқаради.

6.2. СОЛИҚ МЕНЕЖЕРИ ВА УНГА ҚЎЙИЛАДИГАН ТАЛАБЛАР

Солиқ менежерини қуйидаги қирраларда ўрганиш мақсадга мувофиқдир:

- таржимаи ҳолининг тавсифномасига кўра (солиқ менежерининг муваффақиятли фаолият кўрсатишида таржимаи ҳол тавсифномасининг ҳам ўзига хос роли бор);

- қобилияти ва истеъдодига кўра;

Солиқ менежерининг қобилияти ва истеъдоди қуйидаги икки кўламни қамраб олади:

- умумий (интеллект);

- махсус (билим, қобилият ва шунга ўхшаш).

Самарали менежерликни таъминлашда қобилият ва истеъдод умумий жиҳатининг аҳамияти (18,19-чизмалар) қуйидагилардир:

менежер қобилияти ва
истеъдоди

менежер мотивацияси

менежер тажрибаси

Юқори мансабдагилар билан
муносабати

Гуруҳ билан муносабати

менежерлик самарадорлиги

**Солиқ менежерининг умумий сифати ва менежерлик
самарадорлиги ўртасидаги ўзаро алоқадорлик**


менежер қобилият и ва истеъдод и	менежер мотива- цияси	менежер тажри- баси	Юқори мансабдаги -лар билан муносабати	Гуруҳ билан муносабат и	менежерли к самара- дорлиги
--	-----------------------------	---------------------------	---	----------------------------------	-----------------------------------

●●● шахсий фазилатларига кўра. Солиқ менежерининг шахсий фазилатлари ҳам самарали фаолиятни йўлга қўйишда катта аҳамият касб этади.

Улар қуйидагилардир:

- таъсирни ўткази олиш;
- ўзига ишонч;
- ижодкорлик;
- ҳис-ҳаяжон ҳолатларида вазминлик;
- стрессга бардошлик;
- мақсадга эришишга интилиш кучлилиги;
- мустақиллик;
- мулоқотда очиқлик;
- масъулиятни ҳис этиш ва бошқалар.

Солиқ менежери қобилиятининг махсус жиҳатлари



Мазкур талабларга тўлиқ жавоб бера олган солиқ менежери ўз имижи юқори бўлишига эриша олади(20-чизма).

Солиқ менежери олдига қўйиладиган талаблар мажмуаси



6.3. МЕНЕЖЕРЛИКНИНГ ДАРАЖАЛАРИ ВА СОЛИҚ МЕНЕЖЕРИНИНГ ХИЗМАТДАГИ ЮКСАЛИШИ


Менежерликнинг турли даражалари амалга ошириладиган меҳнат тақсимоидан келиб чиқади (21-чизма). Кўплаб мураккаб тизилмали ташкилотларда ўз обрў ва мавқеларига мос равишда ҳар бир бошқариш соҳаси ходими ўз хизмат доираси бўйича маълум бошқариш жойини эгаллайди ҳамда асосан ўз фаолияти самарадорлиги учун жавобгар бўлади.

Бу жавобгарлик менежерликнинг, иерархияли тамойилига мос келади.

Солиқ менежерлари гуруҳи - бошқарув таркибида аҳамиятли гуруҳ ҳисобланади. Иерархияли тузулманинг хилма-хиллигига кўра, солиқ менежментида маълум талаблар асосида, менежерликнинг маълум поғоналари аниқ белгилаб қўйилган.

Менежерликнинг турлича даражаларда амалга оширилиши унинг мавқесини белгилаб беради. Солиқ менежменти фанининг энг долзарб вазифаси бозор муносабатлари шароитида самарали ишлай оладиган менежерларни тайёрлашга кўмак беришдир. Шунга кўра, солиқ менежерининг хизматдаги юксалиши-намунавий ходимга айлана бориши жараёнини ҳар томонлама ўрганиш бу мақсадга хизмат қилади.

Хизмат доираси ва жабҳасига ҳамда бошқариш жараёнида меҳнат тақсимотига кўра менежерлик даражалари.



Солиқ менежерининг намунавий ходимга айланиши кўплаб омилларга боғлиқ бўлган жараёндир. Бунда, бир томондан, солиқ менежерининг ўзи қандай сифатлар эгаси эканлиги муҳим бўлса, иккинчи томондан, бошқаришнинг қандай асосда қурилганлигига ҳам боғлиқдир.

Энди, бу ўзаро боғлиқ бўлган ҳар иккала муҳим томонларни алоҳида кўриб чиқайлик:

I. Солиқ менежерининг сифатларини умуман икки тоифага кўра ўрганиш керак бўлади:

биринчиси, табиатан ялқов бўлган, иззатталаб, ишдан

бўйин товловчи, фаҳм-фаросати паст бўлган тоифа бўлса, иккинчиси, биринчи тоифага қарама-қарши бўлиб, унга биноан солиқ менежери ташаббускор, ўз зиммасига масъулиятни олишга қодир кишилар тоифаси ҳисобланади.

Демак, бу икки тоифанинг ўзига хослигидан келиб чиқиб, уларга мос бўлган ёндашувни қўллай олиши солиқ менежерининг хизматдаги юксалишига олиб келади. Масалан, биринчи тоифадаги солиқ менежериди

нисбатан мажбурлаш, назоратни кучайтириш, турлича жазолаш каби усуллар билан мунтазам равишда эътиборда ушлаб туриш талаб қилинса, иккинчи тоифадаги солиқ менежерига рағбатлантирув асосида ёндашилиб, унинг учун қулай шарт-шароитни яратиб беришнинг ўзи етарлидир.

Аммо ҳаётда солиқ менежери айнан у ёки бу тоифа вакиллари сифатида бўлмай, уларда иккала қарама-қарши бўлган сифатлар бирлашган ҳолда намоён бўлиши кўпроқ кузатилади.

Шу сабабли солиқ менежменти ва шакллари уйғунлаштириш талаб этилади. Айнан шу ўринда иккинчи омил, яъни солиқ муносабатларини бошқариш қандай асосда қурилганлиги муҳим аҳамият касб этади.

II. Менежментнинг усул ва шакллари муваффақиятли қўлланиши Солиқ менежерининг хизматдаги юксалишини ҳам таъминлайди. Улардан бир нечтасини кўриб чиқайлик:

«Тўрт мақсад» асосида қурилган тамойилда:

- бошқариш;
- иқтисодий фаолият;
- «ноу-хау»

• ижтимоий ҳимоя каби тўрт мақсаднинг миқдорий кўрсаткичлари белгиланиб, ҳамма ресурслар шу мақсадни бажаришга йўналтирилади. Бу тамойилда қўлланиладиган ижтимоий ҳимоя - айнан солиқ менежерининг ўз мақсад ва қизиқишларига ғоят мақбул тарзда шарт-шароитлар яратиб беришга қаратилганлиги, уларни касбий юксалишга ундайди ҳамда хизматдаги юксалишларига сабаб бўлади.

«7с» тамойилига кўра, мақсад сари қуйидаги йўналишларда фаолиятни ташкил этишни назарда тутди:

стратегия;	менежмент қоидаси;
структура;	менежмент маҳорати;
тизим;	ходимлар таркиби;
якуний натижалар.	

Мазкур тамойилнинг йўналишларига асосланиб:

- иқтисодий кўрсаткичлар ҳисоблаб чиқилади;
- ишлаб чиқариш тузилмаси барпо этилади;
- ресурслар жамланади;
- менежментнинг самарали усуллари кенг қўлланилади;
- ходимларни танлаш, ўқитиш ва малакасини ошириш ишлари йўлга

қўйилади. Бу йўналишларга асосланган фаолият солиқ менежерининг намунавий ходимга айланишида муҳим роль ўйнайди.

«Кабан» усули японларга тегишли бўлиб, унга кўра, ишлаб чиқаришнинг узлуксиз ҳаракатини таъминловчи менежмент қарор топади. Мазкур усулнинг асосий йўналишини ходимларни танлаш, маҳоратини баҳолаш, ўқитиш ва малакасини ошириш, улар олдига аниқ мақсад ва вазифалар қўйиш, мансаблардаги алмашинув(ротация)ларни мунтазам олиб бориш орқали менежернинг хизматдаги юксалиши таъминланади. Солиқ менежменти тамойиллари хилма-хилдир.

Юқорида келтирилганлардан ташқари, яна:

- иерархияли тамойили;
- демократик тамойили;
- якка ҳокимлик тамойили;
- қайта алоқалар тамойили;
- билимдонлик тамойили;
- фармойишлар ва жавобгарлик тамойили кабилар бугунги кунда кенг

қўлланилмоқда.

Юқорида санаб ўтилган тамойилларнинг ҳар бирида солиқ менежерининг хизматдаги юксалиши учун у ёки бу кўринишдаги йўналишлар мавжуддир. Унинг ҳар бири солиқ менежери олдида қатор талабларни қўяди. Бундай талабларни бажара олиш қобилияти ва истеъдодини намоён эта олган солиқ менежери хизматда юксалиш имкониятига эга бўлади.

Мавзу бўйича хулосалар:

- иқтисодиётни эркинлаштиришнинг асосий устувор йўналишлари;
- иқтисодиётни эркинлаштириш шароитида солиқ муносабатлари ва уларни бошқаришнинг ўзига хос хусусиятлари ёритилди;
- солиққа тортиш ва солиқ менежментининг самарали ташкил этиш йўллари талқин этилди.

Мавзунинг таянч иборалари:

«Ўзбек модели»нинг моҳияти, солиққа тортиш жараёни, солиқларни оптималлаштириш, солиқ ислохотлари, самарали солиқ сиёсати, солиққа тортишда эквивалентлик, солиқ менежерлари гуруҳи, максимал солиқ тушуми

Ўз-ўзини назорат қилиш учун саволлар:

1. Солиқ тизимини бошқаришнинг ўзига хос жиҳатлари.
2. Солиқ тизими фаолиятига таъсир этувчи омиллар.
3. Солиқ механизмнинг мамлакат иқтисодий кўрсаткичларига таъсири.
4. Иқтисодиётни эркинлаштиришда асосий устувор вазифалар.
5. Иқтисодиётни эркинлаштиришда солиқ муносабатларини бошқариш.
6. Иқтисодиётни эркинлаштириш шароитида солиққа тортишнинг энг мақбул даражаси.
7. Солиқ менежментини самарали ташкил этиш.
8. Солиқ менежерининг ўзига хос сифатлари.
9. Солиқ менежери олдида қўйиладиган талаблар мажмуаси.
10. Бошқарувда солиқ менежерлари гуруҳининг ўрни ва роли.

Фойдаланилган адабиётлар:

3,10, 15,16, 24, 28, 30, 35, 41, 44, 50, 52

Фойдаланилган адабиётлар

1. Ўзбекистон Республикасининг Конституцияси. - Т.: Ўзбекистон, 2001, 39 б.
2. Ўзбекистон Республикасининг Фуқаролик кодекси. - Т.: Адолат, 1996.
3. Ўзбекистон Республикасининг Солиқ Кодекси. -Т.: «Иқтисодий ва ҳуқуқ дунёси» нашриёт уйи, 2003. -344 б.
4. Ўзбекистон Республикасининг «Давлат солиқ хизмати тўғрисида»ги Қонуни.// «Халқ сўзи» газетаси, 1997 йил, 29 август.
5. Ўзбекистон Республикаси Вазирлар Маҳкамасининг қарори «Давлат солиқ хизмати органлари фаолиятини ҳуқуқий тартибга солишни такомиллаштириш тўғрисида»//Солиқ тўловчининг журнали. 6-7, 2000.
6. Ўзбекистон Республикаси Вазирлар Маҳкамасининг «Иқтисодий ва солиқ соҳасидаги жиноятларга қарши курашишни кучайтириш чоратadbирлари тўғрисида»ги Қарори. //Солиқлар ва божхона хабарлари, 30-31 сонлар, 2001, 31 июн, 4-бет.
7. Юридик шахсларнинг даромади(фойдаси)га солинадиган солиқни ҳисоблаб чиқариш ва бюджетга тўлаш тартиби тўғрисидаги йўриқнома (янги таҳрирда) // Ўзбекистон Республикаси Молия вазирлиги ва Давлат Солиқ Қўмитасининг 2002 йил 14 январдаги 15, 2002-12-сон қарори билан тасдиқланган.//Солиқ тўловчининг журнали. 5, 2002.
8. Каримов И.А. Ўзбекистон - бозор муносабатларига ўтишнинг ўзига хос йўли. Т.: «Ўзбекистон», 1993.
9. Каримов И.А. Ўзбекистон иқтисодий ислохотларни чуқурлаштириш йўлида. Т.: «Ўзбекистон», 1995.
10. Каримов И.А. Ўзбекистон: миллий истиқлол, иқтисод, сиёсат, мафкура. Т.: «Ўзбекистон», 1996. 1 том.
11. Каримов И.А. Ўзбекистон XX асрга интилмоқда, - Тошкент.: «Ўзбекистон», 2000.

12. Каримов И.А. Ислохотлар ва инвестициялар бўйича идоралараро мувофиқлаштирувчи кенгаш йиғилишидаги маъруза, «Халқ сўзи», 2000 йил, 2 февраль.
13. Каримов И.А. Жамиятда тадбиркорлик руҳини қарор топтириш - тараққиёт гарови// Халқ сўзи» газетаси, 2001 йил 18 июль.
14. Каримов И.А. Ватан равнақи учун ҳар биримиз масъулмиз// «Халқ сўзи», 2001 йил, 17 февраль.
15. Каримов И.А. Эришган марраларимизни мустаҳкамлаб, ислохотлар йўлидан изчил бориш - асосий вазифамиз. Президент Ислом Каримовнинг 2003 йилда мамлакатни ижтимоий-иқтисодий ривожлантириш яқунлари ва 2004 йилда иқтисодий ислохотларни чуқурлаштиришнинг асосий йўналишларига бағишланган Вазирлар Маҳкамаси мажлисидаги маърузаси. // «Ўзбекистон овози», 2004 йил 10 февраль.
16. Ақромов Э.А., Тоиров А.Э. «Экономические реформы Республики Узбекистан» М. ТОО. Люкс-арт. 1998.
17. Бард В.С., Павлова Л.П. Налоги в условиях экономических интеграции. - М.: КНОРУС, 2004., 204 с.
18. Богатая И., Каралёва Н., Кузнецова Л. Как минимизировать ваши налоги. М.: «Феникс» 2001.
19. Брызгалин А.В. и др. Методы налоговой оптимизации.-М.:Аналитика-Пресс, 2001.
20. Ван Хорн Дж. К. Основы управления финансами. Пер. с англ. //Гл.ред.серии Я.В.Соколов.//М.:«Финансы и статистика», 1997.
21. Гадоев Э.Ф., Югай Л.П. Налоги в Республике Узбекистан в 1997 г. -Т.: Мир экономики и права, 1997.
22. Гадоев Э.Ф., Югай Л.П. Солиққа оид хатолар. - Тошкент.: «Иқтисодиёт ва ҳуқуқ дунёси», 1996, 324 б.
23. Дернберг Р.Л. Международное налогообложение: Краткий курс. Перевод с англ. М.: «ЮНИТИ» 1997.

24. Дуканин Л.В. Налоги и налогообложение.–Ростов-на-Дону: Феникс: 2000.
25. Йўлдошев М., Турсунов Й. «Солиқ ҳуқуқи» Т.: «Молия» 2000.
26. Караваева И. Налоговое регулирование рыночной экономики. Учебное пособие. М.: ЮНИТИ-ДАНА. 2000. -281с.
27. Карп М. «Налоговый менеджмент». Учебник для вузов. М.: «Дело и сервис». 2002.
28. Мельник Д. Налоговый менеджмент. М.: «Анкил» 2002.
29. Маликов Т.С. Солиқлар ва солиққа тортишнинг долзарб масалалари. - Тошкент: 2002. 15, 18, 85-бетлар.
30. Маликов Т.С. Молиявий қарор қабул қилиш асослари. Ўзбекистон Республикаси Президенти ҳузуридаги Давлат ва жамият қурилиши академияси. -Т.: Шарқ, 1996.
31. Маликов Т.С., Олимжонов О.О. Молиявий менежмент. -Тошкент, 1999.
32. Налоги и налоговое право: Учебное пособие//Под ред. А.В. Брызгалина// М.: «Аналитика - Пресс», 1999
33. Налоги и налогообложение. И.Г. Русакова, В.А. Кашин, А.В. Толкушин и др. - М.:1999.
34. Налоги и налогообложение: Учебник/Д.Г.Черник и др..-2-е изд., доп. и перераб –М.:ИНФРА-М, 2004.-328 с.
35. Налоговое планирование./Е.Вылкова, М.Романовский.- СПб.: Питер,2004-634 с.
36. Пансков В.Г., Князев В.Г. Налоги и налогообложение. -М.: МЦФР, 2003. -с.158-162.
37. Пепеляев С.Г. Законы о налогах: элементы структуры. М.,СВЕА, 1995.
38. Пушкарева В.М. История финансовой мысли и политики налогов. М.:Инфра-М.,1998.
39. Романовский М.В., Врублевская О.В. Налоги и налогообложение. СПб.:ПИТЕР, 2003. -с.190.

40. Смит А. Исследования о природе и причинах богатства народов. - М.: Соцэкгиз. -1962. - 408 с.
41. Сутырин С.Ф., Погорлецкий А.И. Налоги и налоговое планирование в мировой экономике./Под ред Сутырина С.Ф/СПб: Полиус, 1998.
42. Соловьев И. «Налоговые преступления: практика работы органов налоговой полиции и судов» М.:ИДФБК-ПРЕСС. 2002.
43. Tanzi V. Taxation in an Integration World. - Washington.: The Brookings Institute, 1995. - с 134; Farmer P., Lyal R. EC Tax Law. –Oxford.: Clarendon Press, 1994. -с 297.
44. Tax polisy. Handbook, Edited by Parhasarathi Shome, IFM, 1995. Washington D.C.
45. Тарасова В.Ф. Налоги и налогообложение. Учебное пособие/В.Ф.Тарасова, Т.Всавченко,Л.Н.Семыкина.-2-е изд., исправ. и доп.-М.:КНОРУС,2005.-288 с.
46. Налоги и налогообложение: Учебное пособие/ Под ред. Б.Х.Алиева.- М.: Финансы и статистика,2005.-2005.-416 с.
47. Тошмуродова Б. Солиқлар воситасида иқтисодиётни бошқариш механизми. -Тошкент.: «Янги аср авлоди», 2002 йил. -126 б.
48. Хван Л.Б. Солиқ ҳуқуқи. Т.: «Консаудит информ» 2001.
49. Шаулов Д.И. Канн У.Т. «Солиқ қонунчилиги асослари» Т.: 1999.
50. Яхёев Қ.А. Ўзбекистоннинг солиқли ва солиқсиз тўловлари. - Тошкент.: Тошкент Молия институти., 1994. -38 б.
51. Яхёев Қ.А. Ўзбекистонда солиқ тизими. Тошкент.: Меҳнат, 1998.

Илмий мақолалар

1. Абдурахмонов О. Солиқ сиёсати: Дунё тажрибаси ва Ўзбекистон истиқболи. - //Бозор, пул ва кредит, 2002 йил, 5-сон.
2. Аҳмаджонов М. Солиқ - муомала лаёқати.//Солиқ тўловчининг журнали, 2001 йил 2-сон.

3. Алимардонов М. Солиқ тизими бошқарув омили сифатида. Солиқ тўловчининг журнали, 2001.
4. Аношкина В. Комментария к Налоговому кодексу Республики Узбекистан.//Экономическое обозрение. 1, 1998/
5. Баймуратов Т., Юнусов Т. Мулкдорлар манфаатлари учун//«Ўзбекистон ишбилармон ҳамкори», 1998 йил, 20 июнь, 27-сон.
6. Баймуратов Т., Юнусов Т. Солиққа тортишни қиёсий таҳлил этиш.// «Ҳамкор. Business partner» газетаси, 1998 йил, 24 октябрь, 6-сон.
7. Баймуратов Т., Алланазаров А. Ташкилот фаолияти самарадорлигини таъминлаш муаммолари.// «Современные компьютерные технологии в экономике, науке и образовании. Тезисы международной конференции. Т.: 1998 г., 13-18 октября.
8. Баймуратов Т., Юнусов Т. Солиқ ва закот//«Ҳамкор. Business partner» газетаси, 1999 йил, 13 март, 5-сон.
9. Баймуратов Т., Мадрахимова Ф. Налоговые льготы как стимул для привлечения инвестиций (из зарубежного опыта).// Ж. Рынок ценных бумаг и биржевое дело, 2004, № 4.
10. Жалолов И. Косвенные налоги: пути оптимизации. //Журнал налогоплательщика, 10, 2000.
11. Жалолов Х. Бюджетно - налоговые взаимосвязи в условиях реформы бюджетной системы Республики Узбекистан. //М.: «Актуальные проблемы современной науки»//Журнал Актуальной научной информации, №2, 2002. с.87-88.
12. Жалолов Х. Солиқ механизми (ёки уни мукамаллаштиришнинг айрим масалалари хусусида). //Иқтисодиёт ва ҳисобот, 1997, 5 - сон, 31-35-бетлар.
13. Маликов Т.С. Солиқ тизими: вазиятга бир назар. //Жамият ва бошқарув, 2, 2000.
14. Маликов Т.С. Солиқ тизимининг талабларини тўғри идрок этиш мизми?//Бозор пул ва кредит, 1997. 3-сон

15. Маликов Т.С. Солиқлар ва имтиёз. -//Иқтисод ва ҳисобот, 1995 йил, 1-2-сонлар, 30 б.
16. Маликов Т.С. Солиқ ва имтиёзлар диалектикаси. (1-мақола)// Иқтисод ва ҳисобот, 1997, 7-сон.
17. Маликов Т.С. Солиқ ва имтиёзлар диалектикаси. (2-мақола)// Иқтисод ва ҳисобот, 1997, 12-сон.
18. Раджабов У.А. Налоговая система Узбекистана в условиях либерализации экономики. //Ўзбекистонда бухгалтерия ҳисобининг миллий стандартлари асосида янги счётлар режасини амалиётга жорий этиш муаммолари. //Халқаро илмий – амалий конференция материаллари. Т.: 2002, 5 март
19. Раджабов У.А. Налоги: планирование и оптимизация. “Ўзбекистон банк-молия тизимини ислоҳ қилишни чуқурлаштириш муаммолари ва унинг иқтисодий ривожланишига таъсирини кучайтириш”//Халқаро илмий-амалий конференция материаллари. Т.: 2003, 3 июнь.
20. Раджабов У.А. Такомиллаштириш чекли йўқ: солиқларни режалаштириш ва мақбуллаштиришга эътибор нега сўст? //Солиқ тўловчининг журнали, 8, 2003.
21. Раджабов У.А. Ўзбекистонда солиқ бошқарувини такомиллаштириш омиллари.// «Ўзбекистон иқтисодий ахборотномаси», 2004 й. 1-2.
22. Раджабов У.А. Налоговое планирование и оптимизация: проблемы и пути их решения. //Актуальные проблемы современной науки, М.: 2, 2004.
23. Раджабов У.А. Совершенствование системы налогообложения в Узбекистане: проблемы и перспективы. Актуальные проблемы современной науки, М.: 2, 2004.
24. Раджабов У.А. Стратегия и тактика инвестиционного процесса.// Журнал налогоплательщика, Т.: 2, 2004.
25. Раджабов У.А. Солиқ тизимини такомиллаштиришда анъанавий ва ягона ёндашувнинг ўзаро алоқадорлиги.// «Иқтисодий

- барқарорлаштириш инсон омили ва уни фаоллаштириш усуллари»// Республика илмий-амалий семинари материаллари. Т.: 2004 й. 15 апрел.
26. Раджабов У.А. Солиққа тортишни мақбуллаштириш иқтисодий эркинлаштириш омили.// «Солиқ тўловчининг журнали», Т.: 5, 2004.
27. Раджабов У.А. Бюджет даромадларини солиқ тизими орқали шакллантириш: муаммо ва истиқбол. “Иқтисодий эркинлаштириш шароитида солиқ тизими ва суғурта фаолиятини такомиллаштириш йўллари”. //Халқаро илмий-амалий конференция материаллари. Т.: 2004, 11-12 февраль.
28. Раджабов У.А. Пути совершенствования налоговой системы в условиях либерализации экономики. //«Ўзбекистон банк тизимини ислох қилиш ва эркинлаштиришнинг асосий йўналишлари»// Халқаро илмий-амалий конференция материаллари. Т.: 2004 й. 30 апрел.
29. Раджабов У.А. Эффективная налоговая система как гарант экономического развития.// «Иқтисодий эркинлаштириш шароитида молия, кредит, бухгалтерия ҳисоби ва аудитни такомиллаштириш масалалари.// Республика талабалар илмий-амалий конференция материаллари. Т.: 2004 й. 5 июн.
30. Раджабов У.А. Налоговая система Узбекистана: проблемы совершенствования. // «Социально-экономические проблемы переходной экономики»// Тезисы и доклады международной научно-практической конференции. Санкт-Петербург: 2005 г. 3-4 июня.
31. Раджабов У.А. «Қатъий» ва мақбул назорат.// «Солиқ тўловчининг журнали», Т.: 6, 2005.
32. Тимофеева О. Налоги как инструмент государственного регулирования. //Экономист, 11, 1996.
33. Юсупов М. Актуальные проблемы налоговой политики в Узбекистане.//Рынок, деньги и кредит, 2, 1998.

Интернет сайтлари

1. www.UzReport.com
2. www.cer.uz
3. <http://www.Review.uz>
4. <http://www.federalreserve.gov>
5. <http://www.imf.org>
6. <http://www.soliq.sarkor.uz>

Марказий Осиё ҳудудида турли даврларда амал қилган солиқлар ва солиққа тортишнинг ўзига хос хусусиятлари

Давр	Амал қилган асосий солиқлар ва йиғимлар	Мазкур давр солиқ тизимининг ўзига хос хусусиятлари
Милоддан аввалги биринчи минг йиллик бошлари	ўлпон – ер солиғи; жон солиғи.	Кучлироқ, йирик қабилаларга солиқ тўланган; солиқлар натура шаклида бўлган
Аҳамонийлар ҳукмронлиги даври - милоддан аввалги биринчи минг йиллик ўрталари	Хирож тўлаш, ҳарбий кўшинлар етказиб бериш кўринишида бўлган	Ушбу даврда солиқ турлари ҳар хил бўлган. Солиқ солиш табақалаштирилган. Масалан, сак ва каспийлар каби қабилалар икки юз эллик талант (бир талант 25 кг. 248 гр. соф олтинга тенг бўлган), демак, 6312 кг. миқдорида, парфияликлар, хоразмийлар, сўғдлар ва орийлар уч юз талант -7574.4 кг. миқдордаги хирож тўлашган
Македониялик Искандар истилоси даври	Даромад солиғи, эҳсонлар кўринишида тўловлар	Македониялик Искандар Марказий Осиёни босиб олиб, уни ўз салтанати таркибига киритгач, минтақамиз солиқларни юнонлар тамойили бўйича тўлашга мажбур қилинган. Юнонистонда солиққа тортиш Марказий Осиёдагидан фарқ қилиб, солиқлар даромад солиғи ва эҳсонлардан иборат бўлган. Даромад солиғи даромаднинг ўндан бири ёки йигирмадан бири миқдорида ундирилган ва жамоат

		манфаатларини ҳимоя қилиш мақсадлари йўлида ишлатилган. Махсус солиқ хизмати жорий қилинмаган, солиқ ундириш вазифаси муайян бир кишига юклатиб қўйилган.
Кушон подшоҳлиги-миллоддан аввалги 1-3 асрлар	Бож, ер солиғи ва бошқа солиқлар	Бу салтанат айнан солиқ сиёсатини тўғри ташкил этгани боис қудратли бўлган ва узоқ ҳукмронлик қилган. Солиқлар тангалар орқали ундирилган. Олтин тангалар халқаро савдони таъминлаш баробарида олтин тангада олинадиган божни, кумуш ва мис чақалар ички савдони таъминлаш баробарида ана шу тангалардан тушумлар - солиқлар ва йиғимларни таъминлаган.
Араблар истилоси даври	Закот – шариат асосида мусулмонлардан олинадиган диний солиқ, ушбу солиқ миқдорлари шариат йўли билан аниқланган ва ихтиёрий бўлган. Вазифа (ўлпон), жузья (жон солиғи)- мусулмон бўлмаган ғайридинлардан олинадиган солиқ. Хирож (ер солиғи). Санаб ўтилган солиқлардан - хирожнинг ундирилиш тартиби 3 хил кўринишда: - мисаҳха - қатъий белгиланган ставкада; - муқотта - қатъий белгиланган суммада; - муқассама - ҳосилнинг муайян	Араблар Марказий Осиёга бостириб келгач, 651-йилдан бошлаб, солиққа тортиш тизими бир мунча мураккаблашди ва солиқларнинг турлари кўпайиб борди. Фойдали қазилмалардан олинган даромад солиқлари ҳамда мажбурий ишлов бериш – каналлар қозиш ва уларни тозалаш, янги йўллар қуриш ва эскиларини тузатиш, кўприклар қуриш, шаҳар қалъа деворларини барпо этиш ва мустаҳкамлаш каби вазифаларни бажариш ҳам солиқлар қаторида турган. Бу даврда Марказий Осиёда солиққа тортишнинг арабча тизими жорий этилди, яъни соддалаштирилган тизимга ўтилди, ягона солиқ йиғиш йўлга қўйилди. Исломи динини қабул қилганларга солиқлардан қатор имтиёзлар берилган. Вақф(диний муассасаларга ажратилган ерлар) ерлардан солиқлар олинмаган.

	<p>улушида амалга оширилган. Юқоридагилардан ташқари чорвадорлардан, хунарманд ва савдогарлардан ҳам алоҳида солиқлар ундирилган.</p>	
<p>Сомонийлар даври (869 - 1005)</p>	<p>Хирож, жузья ва бошқалар.</p>	<p>Сомонийларнинг бошқарув тизимида Мусавфий девони даромад ва харажатлар учун жавобгар олий молия амалдори маҳкамаси сифатида алоҳида аҳамиятга эга бўлган ва солиқларни мунтазам кузатиб борган.</p>
<p>Мўғиллар истилоси даври</p>	<p>Мўғиллар Маҳмуд Ялавоч бошчилигида ўлкадаги халқлардан турли солиқларни ундирар эдилар. «Калон»деб аталувчи солиқ деҳқонлардан йиғиладиган асосий солиқ эди ва у ҳосилнинг 1/10 қисмини ташкил этган. Чорвадорлардан «кўпчур» солиғи олинган. Бу солиқ турининг миқдори ҳар юз бош қорамолдан бирига тенг эди. «Шулси» солиғининг миқдори ҳар бир отардан икки яшар қўй ва ҳар минг отдан бир бияни ташкил этган. Булардан ташқари яна кўпгина солиқлар ва йиғимлар бўлган.</p>	<p>- Олий мансабдорлар солиқ тўламаган. Йирик мулкдорлар, савдогарлар ислом пешволари мўғиллар билан яқинлашиб, катта катта солиқ имтиёзларига эга бўлган, ҳар хил ёрликлар олганлар; - бу даврда солиқлар ҳатто шароб, гуруч, гўшт ҳамда от емиши тарзида ҳам ҳар бир хўжаликлардан ундирилган.</p>
<p>Амир Темур ва теурийлар даври</p>	<p>Давлат хазинаси: хирож, ушр(ҳосилга ва ернинг сифатига қараб ҳосилнинг 1/10 дан 1/3 қисмигача</p>	<p>Ислом дини талабларини ўзида ифода қилган молия соҳасидаги шариат қонунлари асосида солиқ тизими шакллантирилди, бунда ҳар бир мамлакат ва</p>

	<p>олинган) - деҳқончиликдан олинган солиқлар, савдогарлар ва ҳунармандлар тамға ва закот, чегарадан ўтган моллар ҳисобидан ҳам тўланган бож тушган. Маҳаллий бошқарув маҳкамалари ихтиёрига жон солиғи – саршумлар, уй бош солиғи – хонашумар, фавқулодда солиқлар – аворизот олинар эди.</p>	<p>аҳолининг хусусиятларини эътиборга олиб, катор имтиёзлар жорий этилди. Амир Темури давлат арбоби даражасига кўтарилгандан кейин солиқларнинг демократик хусусиятини кўзда тутиб, унинг ҳар бир мамлакатда қандай олинганлигини аниқлаш билан шуғулланган. Темури солиқ сиёсатининг асосий қондаси «Тузуқлар» - Соҳибқироннинг ўз фарзандларига қолдирган сиёсий васиятида келтирилган: «Солиқларни йиғишда халқни солиқлар билан эзиб қўйишдан ёки вилоятларни хонавайрон қилишдан эҳтиёт бўлиш зарур, зеро, халқнинг хонавайрон бўлиши давлат хазинасининг қашшоқлашишига олиб келади, хазинанинг ночорлиги оқибатида эса ҳарбий кучлар пароканда бўлиб, бу эса ўз навбатида ҳокимиятни заифлаштиради». Бу даврда солиқларни ҳисоблаб чиқиш қондалари мавжуд эди. Солиқлар ернинг унумдорлигига тегишли равишда белгиланган. Янги ерларни ўзлаштиришни рағбатлантириш учун солиқ имтиёзлари қўлланган.</p>
<p>Шайбонийлар ҳукмронлиги даври</p>	<p>Амир Темури давридаги солиқлар билан бошқа бир қатор солиқлар: ясоқ, хирожат, тоғар, улфа, қўналға, туҳфа, тансуқот ва бошқа солиқлар бўлган, уларни аксарияти ўрта асрларга хос эди.</p>	<p>Бу даврда солиқ, ўлпон ва мажбуриятлар тизими анча мураккаб бўлган. Расман унга тўқсонга яқин солиқ ва ўлпонлар кирган. Асосий солиқ хирож бўлиб, у суғориладиган ерларнинг 30-40 фоизига солинган; давлат аппарати, сипоҳийлар ва хон саройини боқиш учун хирожат олинган; боғлар, полизлар, бедазорлар ҳам солиққа тортилган. Агар давлат аппарати пулга муҳтож бўлса, фавқулодда</p>

		солиқлар жорий этилган.
Аштархонийлар даври	Бу даврда 40 га яқин солиқлар бўлган.	Бу даврда солиқлар ва йиғимлар сони, миқдори ҳам борган сари ортиб борган. Масалан, ер солиғи гарчи одатдагидек ҳосилнинг 3 фоизи миқдорида бўлсада, амалда фавқулодда ҳолатлар вақтида солиқлар бир неча баравар қилиб олдиндан ундириб олинган. Хусусан, Субҳонқулихон(1681-1702йилларда хукмдор) замонида бир йўла етти йиллик солиқлар йиғиб олинган.
Бухоро амирлиги даври	Бухоро амирлигида молия тизими негизида араблар истилоси даврида бутун мусулмон Шарқи ўзлаштирган солиқ - хирож турган. Хирож ер солиғи бўлиб, у ҳосилнинг бешдан бир ёки учдан бир ҳиссаси сифатида олинган, ушр солиғи - ўндан бир қисмини ташкил этган. Хунармандлар байрамларда хонга ўз буюмларини тақдим этишган. Фавқулодда ҳолларда улар ҳар бир дўкондан йиғим тўлашган.	15-17 асрларда закот бева-бечоралар, мусофирлар фойдасига олинса, 18 асрдан бошлаб хазина фойдасига олинадиган бўлди. Закот тўлашдан бош тортган қабилалар устига қўшин жўнатилиб, куч билан закот ва устига омонпули(моли омоний) олинган. Олимлар, қозилар, сипоҳийлар ва навкарлар ҳам солиққа тортила бошланди.
Чор Россияси истилоси даври	Аввалги солиқлар билан бир каторда Россия билан уруш вақтида амир Музаффар аминона («содиқ фуқаролик») деб номланган махсус солиқни жорий этди, у бадавлат шаҳарликлар мол-мулки ва товарлар қийматидан 1,5 фоизни ташкил этган.	Ўрта Осиёда асрлар мобайнида аста-секин таркиб топган тизим-қишлоқ хўжалигининг солиқ тизими ўзгара борди. Аввал Чор ҳукумати деҳқонлардан солиқ олишни камайтирди. Лекин ерларни солиққа тортишнинг хирож ва таноб тизимини сақлаб қолди. Солиқларни мутлақ пул билан тўлаш тартиби жорий этилди, давлат фойдасига махсулот тарзидаги

	Вақт ўтиши билан у доимий солиққа айланди ва амирлик тугатилгунча (1920) ҳукм сурди.	мажбуриятлар ҳамда майда қўшимча йиғимлар бекор қилинди. Солиқ ундириш ишлари сайлаб қўйиладиган қишлоқ идораларига топширилди.
Собиқ Иттифоқ тузуми даврида	Оборот солиғи, фойдадан ажратмалар ва бошқалар	Собиқ СССР таркибида Ўзбекистон молия тизими умумжаҳон тараққиёт жараёнига зид йўналишдаги эволюцияни бошдан кечирди. Солиқлардан корхоналар қўрган фойдани тортиб олишнинг маъмурий услубларига ва молиявий ресурсларни мамлакат бюджети орқали тақсимлаш услубларига ўтилди.

Турли мамлакатларда юридик шахслар учун солиқлар таркиби ва ставкалари (2001 йил)

Мамлакат	Мос келувчи солиқнинг ставка миқдори					Бошқа асосий солиқлар таркиби
	ҚҚС	даромадга солиқ	МОЛ-мулк солиғи	ижтимоий солиқлар	герб йиғими	
1	2	3	4	5	6	7
Сингапур	3%	26%	12%	хар бир хорижий ишчи учун бир ойига 470\$, тиббий суғурта учун 2%	мавжуд	Дивидендга солиқ
Словакия Республикаси	23, 6, 0%	40%	мавжуд	мавжуд		Йўл солиғи, акциз, импортга солиқ, дивидендга солиқ
Словения		25%				
АҚШ		15-39%				Капитал ортишига солиқ, минимал солиқ, йиғилиб бориладиган даромадга солиқ, маҳаллий солиқлар
Таиланд	10%	30%				Бизнеснинг алоҳида соҳалари учун солиқ, муниципал солиқ, маҳаллий

						солиқлар, дивидендга солиқ
Туркия	15%, 1-40%	30%			0,12-0,6%	Дивидендга солиқ, қабтий солиқ, банклар ва суғурта ташкилотлари учун солиқ, устама божлар, божхона божлари
Украина	20%	30%				Акциз
Уругвай	25, 14%	30%				Асосий солиқ, устама йиғимлар учун солиқ
Австралия	10%	36%		қўшимча тўловлар учун – 48,5%		
Австрия	20, 10, 0%	34%	Мол-мулк ўтказилга нда – 0,2- 1%, сотиб олинганда – 2,5- 3,5%	21,15- 39,3%	0,8%- 1,5%	
Озарбайжон	20, 16%	30% савдо даромадин инг 3%	0,5%	38%		Акцизлар, ер солиғи, фойдали қазилмалар учун, йўл фондига тўловлар, иш ҳақидан солиқ
Аргентина	21%	35%				Оборот учун солиқ, акциз, қарз ва кредитларга солиқлар
Бельгия	21, 6, 0%	39%			0,5, 12,5%	
Болгария	20,0%	27(20)+10	0,15%,			акцизлар

		% муниципал солиқ	0,3%			
Бразилия	10-15%	15+10% қўшимча солиқ		8-12%		Савдо учун давлат солиғи, хизмат кўрсатиш учун муниципал солиқ
Буюк Британия	17,5, 5%	10-30%		10-11,9%	0,5-4%	Жамғармадан олинган даромадга солиқ, капитал ортишидан олинган даромадга солиқ, нефт бизнесидан олинган даромадга солиқ, нефт маҳсулотлари учун лицензион йиғимлари, импорт учун солиқлар, суғурта тўловига солиқлар
Венгрия	25, 12, 0%	18%	2-6%	36-33%	10%	Маҳаллий солиқлар, истеъмол солиғи, таълим жамғармаси учун ажратмалар
Венесуэла	15,5, 8- 16,6, 10, 20%	15, 22, 34%				Банк битимлари учун солиқлар, хорижий компаниялар дивидендларига солиқ, нефт конларини қидириш учун солиқ, тадбиркорлик лицензиялари учун муниципал солиқ
Вьетнам	0, 5, 10, 20%	25, 32, 50, 10, 15%	1 м ² га доллар хисобида			Савдо учун солиқ, табиий ресурслар учун тўловлар, импорт ва божхона тарифлари, фойдани четга ўтказиш учун солиқ
Гана	0, 10, 15%	30, 8, 20, 25%	мавжуд			Хадья учун солиқ, капитал ортишидан олинган даромадга

						солиқ, акциз, рента солиғи, божхона божлари
Гватемала	10%	30-25%		12%	3%	Ғоиз ҳисобида олинган даромад учун солиқ, тадбиркор учун йиллик солиқ
Германия	16, 7%	25, 30, 38, 7%	7-50, кўчмас мулкни беришга 3,5%	20, 15%		Ғқилғи, электроэнергия, суғурта учун солиқлар, даромад солиқлари, савдо учун солиқ, қўшимча субсидиар йиғим ва бошқалар
Гонконг	0,5% (сотишдан)	16, 8%				Лицензион тўловлар
Греция	18, 8, 4%	35, 40%	баҳоси 69 млн. драхмадан юқори бўлганда 0,7%			Ортиб борган капитал учун солиқ, банк фаолияти учун махсус солиқ, акциялар учун солиқ, уяли телефон абонентлари учун солиқлар
Дания	25%	32%		Катъий сумма+8+1 + (0,28-8,92%)	Кўп хилли	Акциялар учун солиқ, углеводородларга солиқ, атроф мухитни ифлослантирганлик учун солиқ
Доминикан Республикаси	8%	25%	4,48+12%		Кўп хилли	Божхона солиқлари, алоҳида истеъмоллар учун солиқлар
Миср	5-10%	ривожлант			0,02-3%	

	(сотишдан)	и-риш учун 40+2%, 34%				
Замбия	17,5, 0%	35, 45, 15, 30%	2,5%			Ер ресурсларини қайта ишлаганлиги учун ижара тўлови, оддий акциялар учун солиқ
Зимбабве	5, 15, 25% (сотишдан)	35%				Филиалларга фойдани кўчириш учун солиқ
Исроил	17, 0%	36%	2,5, 1,2%			Ер солиғи, эгалик учун солиқ, сотишдан солиқ
Ҳиндистон	Сотишдан солиқ	35%	1 млн. рупийдан юқори бўлганда 1%			Акциз, акцияни тақсимлаш учун солиқ
Индонезия	10,5-15,0%	10%, 15%, 30%	0,2%		0	Ижара тўлови учун битим солиғи, ер солиғи, зеби-зийнат буюмларини сотиш учун солиқ
Эрон	2+1+0,05+0,02%	10%	2-8%			Тақсимланган захиралар учун солиқ, дивидендларга солиқ, тармоқлар бўйича солиқ, муниципал солиқлар, экспатриант маошдан йиғим, савдо палатасига бадаллар
Ирландия	21,12,5, 3,6, 0%	дастлабки 50000		мавжуд	мавжуд	Тақсимланмаган даромад учун қўшимча солиқ, маҳаллий солиқлар

		фунтдан 25%, 32%, 36%				
Испания	16, 7, 4%	25, 30, 35%	3%		мавжуд	Савдо палатасининг солиғи, акциз, мулкни бериш учун солиқ
Италия	20, 10, 4, 0%	37%	0,4-0,7%			Ишлаб чиқариш фаолияти учун солиқ
Қозоғистон	20%	30%, филиаллар учун-15%				Рухсатнома тўловлари, божхона йиғимлари, акцизлар
Камбоджа	10, 0%	20%, 9%, 5%, нефть ва газ учун - 30%	эгаллик хукуқини ўтказишг а-4%		мавжуд	Дивиденларга солиқ, минимал солиқ, оборот учун солиқ, акциз, экспорт ва импорт божлари, мол- мулк ва ер ижараси учун солиқ, патент учун, фойдаланилмаётган ерга солиқ, транспорт воситаларига солиқ
Камерун	17,8%, 0%	38,5% (минимал солиқ бор)			мавжуд	Акциз, филиаллар даромадига солиқ, ўқитиш учун солиқ, транспорт солиғи суғурта битимларини тузиш учун солиқ
Канада	7%	44,6 35,6%				Провинцияларда олинган даромадга солиқ, сотилган товар учун келишилган солиқ, чакана савдо солиғи, капитал учун федерал ва провинциал солиқ
Кипр	8, 0%	20, 25%; ҳалқаро	0-3,5%	0%, 1577		Муниципал солиқ, мудофаа учун ажратмалар

		тижорат ташкилотлари учун-4,25 ва 0%		паунтдан - 8%		
Хитой Халқ Республикаси	17, 13, 0%	30%+3%, хорижий корхоналар учун-20%	мавжуд			Ишбилармонлик учун солиқ, акциз
Латвия	18%	25%	0,5, 4%	мавжуд	мавжуд	Акцизлар, божхона божлари, ер солиғи, ер ресурсларига солиқ, маҳаллий йиғимлар
Литва	18, 0%	29%	1%		мавжуд	Ер солиғи, ер ижараси учун солиқ, йўл йиғими, акцизлар, божхона божлари, атроф муҳитни ифлослантирганлик учун солиқ, табиат ресурслари учун солиқ
Лихтенштейн	6,5, 2%	7,5-25%	0,162, 0,8585%	8, 4,43%	0,15, 0,3, 1,5%	Хорижий компаниялар учун махсус солиқ, кўчмас мулк бозор баҳосининг ортишига солиқ, йиллик даромаддан солиқ
Люксембург	15, 12, 6, 3%	20, 30, 50%	0,5%			Маҳаллий муниципал солиқ, қимматли қўғозларни сотиб олиш учун солиқ, инвестициялар учун солиқ, рўйхатдан ўтказиш йиғимлари
Малайзия	5, 10, 15%	28%; нефт учун-38%			0,25%	Хизматлар кўрсатиш учун солиқ, кўзда тутилмаган даромадга солиқ,

	(сотишдан)					капиталнинг четга чиқишига солиқ
Монако	20,6, 5,5%	33,33%			0,5, 1,5%	Дивиденддан солиқ
Марокаш	20,7%	35, 39,6% пасайтири лиши мумкин	мавжуд			Минимал солиқ, миллий бирдамлик солиғи, кўчмас мулк учун шаҳар солиғи, дивиденд солиғи
Нигерия	5%	35, 30, 20%				Нефт солиғи(85-50%), таълим солиғи
Нидерландия	17,5, 6, 0%	35%	Муницип алитет бўйича хар хил ставкалар			Капитал солиғи, суғурта солиғи, акциз, дивиденд солиғи
Норвегия	23,7%	28+50% нефть солиғи				Дивиденд солиқлари
Бирлашган Араб Амирликлари	20%					
Омон		0-12%, 0- 25%, нефть буйича- 55%		мавжуд		Дивидендни бериш учун солиқ
Парагвай	Хизмат кўрсати	4, 25, 30%	0,5-1%			Заёмли банк операциялари учун солиқ; лицензия тўловлари;

	ш учун бор					
Перу	18%	30%	мавжуд			Соф активлар учун солиқ, акцизлар
Польша	22, 7%	34, 32%	2%, м ² га злотий хисобида			Белгиланган даромадга солиқ, дивидендларга солиқ
Португалия	17, 12, 5, 0%	34, 37, 4;	0,7-1,3%			
Руминия	22, 11%	38%		44, 54%		Чегара солиғи, маҳаллий солиқ, соғликни сақлаш учун солиқ, ер, транспорт ва дивиденд солиқлари
Финляндия	22, 17, 8, 0%	28%	0,1-1,1%			Шартли кредит учун солиқ
Франция	20,6, 5,5, 2,1%	33,33%, 19%			мавжуд	Бизнес учун солиқ, дивидендга солиқлар
Чехия	22, 5%	35%	5%	мавжуд		Йўл солиғи, акцизлар
Чили	18, 13- 70%	15%, норезиден т- лар учун 35%				
Швейцария	7,5%	7,8%+(10 дан 20% гача)	0,4-1% (кантонла р бўйича)	учта класс бўйича 7- 18%	0,15, 0,3%	Капиталнинг ортишига солиқ, дивиденд солиғи, ютуқлардан солиқ, божхона божлари, кўчмас мулкка солиқ
Швеция	25, 12,	28%	900000	32,82%+(6,	3%	Дивиденд солиғи, кўчмас мулк

	6%		шв. кронаси дан юқори суммадан 1,5%	05 дан 12,6%гача)		солиғи
Эстония	18%, 0%	26%				Акцизлар, маҳаллий солиқлар, дивидендга солиқлар
Жанубий Африка	14%	30, 25, 35%	0,25-10%			Дивидендга солиқ, лицензия тўловлари, муниципал солиқ, импорт учун солиқ
Япония		30+20,7+10, 56%+ (максимал 42,3%)	1,4-2,1%	27%	ҳар бир ҳужжат учун иенада	Божхона божлари, импорт товарларни истеъмол қилганлик учун солиқ, истеъмол солиғи, дивиденд солиғи, рўйхатдан ўтиш йиғимлари, кўчмас мулкни сотиб олишга солиқ